

ኩልዮት ዐዲ-ቀይሕ፡ ሰሚናር ፖሊስ እግል ደረሰ ገብእ



ቃእድ ፖሊስ አቅሊም ግብረት ኮሎኔል ዘሚካኤል ተክልየ፡ እግል ዘያድ 2 አልፎ ደረሳይ ወሸቃላይ ኩልዮት ተገኝቶ ወሰሉም እጅግ-ማዕደት ዐዲ-ቀይሕ፡ ዶር ነባሪ ወሰዋልፍ እት ፋደያት ጀራይም ወአክጣኦት ለረከዘ ሰሚናር ወደ።

እተ ዲብ ዮም 6 ማርች ለገእ ሰሚናር፡ ኮሎኔል ዘሚካኤል፡ መፅዕነት ወአሀምየት ሰዋልፍ ሐቀሰ ሸርሐ፡ ዓዳት ሙጅተመፅን እት ዳሬያት ጀራይም ወአክጣኦት ተረት ዛይደት ክም ለአገዳ እት ሸርሐ፡ ደረሰ ፍእየቶም እግል ትትአከድ እት ዳሬያቱ ዶርም እግል ለአግዱ ጎማቱ ሀበ።

እት ደንጎበ ህይ፡ እት አቅሊም ግብረት፡ እት ሰነት 2023 እብ ኸሱሰለ ትሰጀለ ጀራይም፡ አክጣኦት ወብቀት መካይን፡ እብ ተፋሰል ሐብሬ ቀደመ።

ቃእድ ፖሊስ ሙዲሮየት ዐዲ-ቀይሕ ካፒቲን ኪዳኔ ፍትዊ እብ ተረቱ፡ ደረሳይ ሰዋልፍ ወዓዳቱ እግል ልውረሰ ዋልዴን ወመዳርሰ እብ መቅርሕ እግል ልክደሞ ዲብ ለአትፋቅድ፡ እትሰ ዳይ እዳረት ኩልዮት ምሰል ፖሊስ ዐላቀት ትርድት እግል ተሀሌ እለ አትፋቀደ።

ዐሚድ ኩልዮት ተገኝቶ ወሰሉም እጅግ-ማዕደት ዶ/ር

እስቲፋኖስ ሀይሌማርያም እብ ተረቱ፡ አሀምየት ናይሉ ሰሚናር እት ሸርሐ፡ ደረሰ ምን ጀራይም ወአክጣኦት እግል ሊርሞ፡ ለተሀየቡም ደርሰ እት ፍዕል እግል ልተርጁሙ ትፋኑ።

እለ ክእነ እት ሀሌ፡ ቃእድ መርከዘ ፖሊስ ሙዲሮየት ዐዲቀይሕ ካፒቲን ኪዳኔ ፍትዊ፡ ምን ዮም 1 አሰክ 5 ማርች እት እዳራት ደዋይሕ አገላ፡ ሕረት፡ ጋርባኖቤ፡ ተኾንደ፡ ካሪባ፡ እምቦኾኻት፡ ዐቢ-ግራት ወሓይካ ሕድ ለሸብህ ሰሚናር ክምሰል ወደ፡ ወኪለት ኤሪነ ሐበረት።

ሳወ፡ መዳሊት እግል ወጠንያይ እምተሓን ካልኣይት ደረጀት



እት ሳወ፡ እትሊ ወሬሕ ጎነ ለገብእ ወጠንያይ እምተሓን ካልኣይት ደረጀት ለለአትሐዜ ጠለባት እግል ልትወጀድ፡ እብ መዓወነት መርከዘ ተእሂል ክድመት ወጠን ወውዛረት ተዕሊም ለአንበተ መዳላይ ክምሰል ተ'መ ወኪል ኤሪነ ምን ሳወ ሐበረ።

እተ እግል ወሬሕ ለአተላለ ካድም፡ አንፋር እሰታፍ ሎጂስቲክ

መርከዘ ተእሂል ክድመት ወጠን መኤምረት ወውዛረት ተዕሊም ወአንፋር 36ይት ደውረት ክድመት ወጠን ደረሰ ቴክኒክ ዶር ዐቢ ክም አግደው፡ ለረከብናህ ሐብሬ ተአፍሀም።

እብ አግደ እት አትሳናይ ከነባት ለረከዘ ካድም፡ ሐድ 7 አልፍ ከነባት ክምሰል ሰነ፡ መሰኡል ፈርዕ ወራታት ንጃረት ሰታፍ ሎጂስቲክ

መርከዘ ተእሂል ክድመት ወጠን ናይብ ቴሌንቴ ዐሰማን መሕሙድ ሸርሐ።

እምበል እለመ፡ ምሰል መአሰሰት ወራታት ንጃረት ወሕዳደት ሰንበል እብ መትዓዋን እብ ተውሳክ 10 አልፍ ከነባት ክምሰል ትሸቀ፡ መሰኡል ፈርዕ ወራት ሐጺን ነፈር 7ይት ደውረት ኤርምያስ ሰዩም ሐበረ።

ፎር፡ ደግም እብ ዝላም ዐገብ ለአክ መዳርሰ ሰኔ

እት ሙዲሮየት ፎር- ዐደታት ዙሎ፡ አፍተ ወጌሉልዲንዲ እት ዮም 30 አጎሰት 2023 እብ ዘልመት ዝላም ዐገብ ለትደመረ መዳርሰ፡ እብ መዓወነት ቅዋት ጀው፡ ቅዋት በሐር ወእዳረት አቅሊም ቅብለት በሐር ቀየሕ ሰነ።

እት ዮም 2 ማርች እት አፍተ እት ገአት ዓደት ሰለሞት፡ ሙዲር ሙዲሮየት ፎር አሰይድ ዐሰማን ዐረፈ፡ ብቀት ሐቀሰ ሳይፈት ክሎም አጅሀዘት ሕክመት እብ ዓመት፡ ቅዋት ጀው ህይ እብ ፍንቲይ መዋሃኒኖም እግል ልሰደው ለነሰአወ መባደረት እት ለሐምድ፡ እት አትሳናይ ናይሉ መዳርሰ ለትረእ መቅርሕ ወዶር ሐመደ።

ሰብ-ገጽ አፍተ ህይ፡ ለገአት ሰይይት ተአምርተ ዓዳት ኤረትርዮ ክምቱ እት ሸርሐ፡ ለወራት እግል ትሰርገል ለከድመው እግሎም ሐመደው።

እት ደንጎቤ፡ እግል ዶር ሰኔ ለአግደው እብ ሰነን ዙሉ ወአፍተ ለትዳለ ሸሃዳት ሐምዶ ተሀየቡ።

ደረሰ ወሙዲር መድረሰት አዳሊስ እግል ኤሪነ እተ ሀበወ ሐብሬ፡ እብ ሰብሰለ ጀረ ደማር፡ በርናምጅ ደረሰ ወአድረሶት እዙይ ክም ዐላ፡ እዜ ላኪን ሕሉል አሳሲ ክም ትረከበ ሸርሐው።

እት ዮም 30 አጎሰት እብ ዘልመት ዝላም ዐገብ፡ እት ዙሎ፡ አፍተ ወፎር 305 ቤት፡ 5 መድረሰት፡ 13 መአሰሰት ተገኝቶ ወብዕድ ክም ደመረት ለልትዘከር ቱ።

ዕውት በርናምጅ ደረሰ ወአድረሶት እት ጀምሂሌ

እት ሙዲሮየት ደህላክ እዳረት ደዋይሕ ጄምሂሌ በርናምጅ ደረሰ ወአድረሶት ሰኔ ልትሰርገል ክምሰል ሀለ ትሸርሐ።

እብ አሳሰ ሐብሬ ሙዲር መድረሰት አወላይት ወምግባይት ደረጀት ጄምሂሌ ኡሰታዝ አልአሚን መሕሙድ፡ እት ሰነት ድራሴት 2023/2024 ምን ትሰጀለው ደረሰ ለ57 ምእታይት አዋልድ ክምተን እት ሸርሐ፡ መሻረከት ደረሰ እብ ዓመት እብ 1.2 ምእታይት ዐቦት ክም አርኤት ወደሐ።

መሻረከት አዋልድ እት አወላይት ደረጀት እት ተዐቤ ትመጽእ ምንመ ሀሌት፡ እት ምግባይት ደረጀት ላኪን እት ትነቅስ ትመጽእ ክምሰል ሀሌት ለሐበረ ኡሰታዝ አልአሚን፡ ወቀሎት ፈሀም ሙጅተመፅን ሙሀም ሰበት ገእ እብ መትሐሳር እግል ትሸቀ እሉ፡ ክምሰልሁመ መጋድዕ ማይ ሕሉል እግል ልትባሰር እሉ ትፋኑ።

መድረሰት አወላይት ወምግባይት ደረጀት ጄምሂሌ እግል ዐደታት ዳሰቅ፡ ሚሊል ወጀምሂሌ ክድመት ተሀይብ።

እብ ጀሀት ብዕደት፡ እት ሙዲሮየት ሸዕብ እዳራት ደዋይሕ ቲሉክ ወወቂር እብ ገአት መታበት፡ መሻረከት እት ዐግሎ ተዕሊም ዐቦት ክም አርኤት፡ መኡል መክተብ ተዕሊም እተ ሙዲሮየት ኡሰታዝ ሙሰ አድም ሸርሐ።

መሰኡል ፈርዕ ወዛረት ተዕሊም አቅሊም ቅብለት በሐር ቀየሕ ኡሰታዝ ረሸድ መሐመድ ዐሰማን እብ ተረቱ፡ ለእት ክል ሐል እት ሰኔ ትመጽእ ለሀሌት መሻረከት እት መጃል ተዕሊም እት ለሐምድ፡ አትሳናይ መዳርሰ መትሐሳር እግል ልትሀየቡ ትፋኑ።

ሙዲር ምዲሮየት ሸዕብ አሰይድ አብብከር ኢብራሂም ህይ፡ ለእት እዳራት ደዋይሕ ቲሉክ ወወቂር ሰጅልት ለሀሌት ፍገራት ሰኔት እንዴ ተሐፊዘት እት ብዕዳት እዳራት ደዋይሕ እግል ትትርኤ እብ መቅርሕ እግል ልትሸቀ አትፋቀደ።

ሕላይ እግል ደሚር ሰራይ (2ይ ወናይ ደንብ ክፈል)

መታክል በሐሰ

• እብ ዕምር ዐባይ ላቶም አንፋር፡ ህለው እት ትብል ልትወፈው። ዎሮት ሐልፊይ ሐቆ ሞተ ህይ ሐቲ ኢንግዲክሎፕሮድዮ መጅብ ነደት ቱ። ክሉ እት ፈቃዲቱ (ዛክረቱ) ለዐለ እግል ትርክቡ ኢትቀድር ወእሊ ለዐበ መታክል ቱ። ብዝሓም እትሊ መሕበር-ጎማት እግል ልሻርኩ ለዐለት እግሎም ኢቀድረው። (እድሪስ መሐመድ ዐሊ ድረዕ፡ ጅምዕ ህብቴሰ፡ አቡባሽ፡ ፋጥነ እድሪስ ፈረጅ--- ወእሎም ለመሰሉ)

• ሰርም ገሌ ጸብጠት ለሕላየት ለአሙራ፡ ለተእሪክ ላተ፡ ኢልአሙሩ። ሕላየት እምበል ተእሪክ ታመት ልእክት እግል ተሓልፍ ኢትቀድር።

መጅተመዕ እብ

ዓመት ለክልቁ መታክል

• ኢ መ ት ከ ም ካ ም (መሐመድ ወደግርሚት፡ ወደ-ባሽቁር፡ ገብሬስ ወደ-ሃኪን በዐል እተክማም)

• ድራሰት ወፈህም ኢህለዮት (እብ በህል ነባሪክ ኢመትሐሳር)

• ወሳይቅ ኢህለዮት(ሸሃደት ሚላድ፡ ሸሃደት ሞት፡ ገሲመት፡ ብዕድ ለገብአ ሰጅል)

• ናይ ወቅት መሻክል፤ ለቴለል ሚዶል ጀረ ዶል ትብል፤ ሰነት አንበጠ፡ ሰነት ፈለል፡ ዘበን ህይለሰላሴ፡ ሰነት አሉሉ፡ ሰነት ራቢጠት፡ ሰነት ለወለት ፍላጎት ሞተተ-- ወእሉ ለመሰል።

• እሊ ህይ ወሲቀት ሳብተት እግል ልገብእ ኢቀድር።

• ሰወር ሐራም ቱ ሰበት ልትበህል፡ ኢጸቡጠ። ጸብጠወመ ምንገብእ እብ ዋጅብ ኢልትኣኩብ፤ ክርብ።

• እት ምልክየት ናይላ ሕላይ፡ እት አዳምክ ወመልህይክ ኢትጸግየት... ወእሉ ለመሰል።

• እብ ዓመት በህል ነባሪ ምህመት ዐባይ ክምሰልቡ እንዴ አመርክ ናይ ተውሲቅ ወራታት ኢውድዮት።

• ገሌ ምነ ለሳደፈ መታክል ዐባይ እግል ጋብሆት ለገብአ ወቀይ እግል ንሰሚ፤

መታክል በሐሰ

• ዑመር ወደ-ባሽቁር እመር ወሰሙይ ቱ፡ ሕላየ ክሉ ለአምሩ። መን ልትበህል ወዲብ አየ ክም ዐለ? (እብ ገበይ ዑመር መሐመድ እድሪስ ወአብር ዐሊ አሚር) እግል ልትረከብ ቀድረ። ህቲ ዑመር እድሪስ መሐመድ ዑመር ባሽቁር ልትበህል።

• ክልፍየት ወዕለት እስትሸሃድ ከንቴባይ ሓምድ እግል ንርከብ ለገብአ ወቀይ ሰዱድ ዐለ።

• እብ ገበይ ፋጥና ከንቴባይ ወከንቴባይ ዐሊ ክም ትረከብ።

• ወሳይቅ ዶ/ር ሃሸም ከሊፈ ምን ሶዳን እምጽኣት።

• ዕለት እስትሸሃድ ከንቴባይ ወሰራት አስልየት እብ መልህይ ዳኒኤል ክም ልትረከብ ገብአ።

• ክልፍየት ከንቴባይ ብእምነት (እብ ገበይ አቡነ አብርሀ ኤልየሰ ወጅምዕ ህብቴሰ)

• ቴለል ወሕላይ መ/ኑር ወድ-ናይብ አብጣበሰ- እብ ገበይ ወድ-105 ለዐለ አቡነ ሙሰ ናይብ።

• ክልፍየት ወሕላይ ሐልየት ማርያ (ክም ከረ እድሪሳይ ሁመድ፡ ሓምድ ወድ ሸንገብ፡ ነጫቢ ወድ-አርበድ... እብ መሳደዮት እስታዝ መሐመድ ዐብደሉ፡ መዋጅህት ምስ ሹመ

መሐመድ አቡበክር።

• ሕላይ ወድ-ጅዳፍ ወድርህይ ወድ-መሕሙድ እብ ገበይ ሙሰ መሐመድ አድም ወመሕሙድ ሐሰብ.

• ቅሰት እት አክማም እብ አቡና ዑስማን ዕቴል እብ ገበይ እስታዝ መሓመድሰዲድ ሓምድ-- ወብዕድ።

• እብ ዓመት እትሊ በሐሰ እሊ ሐድ 200 ለገብአ፤ ሰብ መቅደረት ሕላይ፡ ሳከሬን፡ ሚርሐት እዳራት፡ መአሰሳት በሐሰ ወእሎም ለመሰሉ ሻረከው ዲቡ።

ለህጃት ሕላይ

ዲብ ትግረይት ምን ሕድ ብዙክ ምንመ ኢረይም ለትፈናተ ለህጃት ህለ። እብ አሳስ ሕፍዝ ዶ/ር ሳሌሕ ማሕሙድ፡ ለህጃት ትግረይ እት ሰለሰ መንጠቀት ልትከፈል። ህተን ህይ።

• አወለይት መንጠቀት፡ ቅብለት-ምውዳቅ ጸሓይ - ክምሰል ከረ ሐባብ፡ ማርያ-ጸላም፡ ማርያ-ቀየሕ፡ ዐድ-ተክሌስ ወቢንዳምር፤

• ካልኣይት መንጠቀት ግብለት-ምፍጋር ጸሓይ - ክምሰል ከረ ዙሉ፡ ባጽዕ፡ ግንደዕ፡ መሰሐሊት፤

• ሳልሳይት መንጠቀት፡ ህይ ለምግባይ ምድር ትግሬ ክምሰል ከረ መንሰዕ ወቤት-ጃክ ለከምክም ቱ።

• “ምድር ሰሌ ክሉ ሰበት ከይዱ ክምሰል መትዐደደት መንጠቀት ንሱእ ህለ” ልብል ለበሐሰ።

• እሊ ለህጃት ዓም ገብእ እት ህለ፡ እትሊ በሐሰ ሕራይ ለህለ ሕላይ ሐቲ ከእብ ለህጃተ (አው ክም አፍ በዐለ) ክትብት ህሌት። እብ አሳስ በህል ነባሪ ዐገሎት አው አርትዖት ኢልትሰመሕ ወለህጃት እግል ናሱ ርዝቅ ሰበት ቱ፤ ክ’መ ለትበህለዩ እግል ልቅረብ ሐሬኑ።

ሰርገል

እብ ዓመት ዶል ልትርኢ፡ እትሊ በሐሰ እሊ ለበዝሐ መናጥቅ ብጹሕ ህለ። እሊ ህይ እንቡተት ቱ እንድኢኮን ተመ እግል ልትበህል ኢቀድር።

እብ አሳስ እሊ በሐሰ እሊ፤

• እግል ክሉ መናጥቅ ለሸምል ሕላይ እግል ልትከምክም ቀድረ።

• ሕላየም ኣቲ ለህለ ወሕላይ ብዕዳም እንዴ ጸብጠው ለዳገመው 188 አንፋር ቶም።

• እትሊ ሸቅል ሐብሬ ዛይደት ለህበው ወዶር ዐቢ ለአግደው ጸብጠት ወመዳግመት 22 ነፈር ቶም።

• እብ አሳስ እሊ በሐሰ እሊ፡ ሐልየት ክም ቶም ለተአመርው ወእግል ልትበጽሖ ለኢቀድረው።



እብ አዜ ሕፍዝ ለገብእ እቶም 74 ነፈር ቶም።

• እግል ልእቲ ለኢወጅቡ ወርከዮት

• ናይ ሰዋሱ ወቀደም ትሌ አርትዖት

• ምልክየት ናይላ ሐልየት አሰቡቶት

• እትሊ ክታብ እግል ልእተው ለወጅም ሰኒ ምህም ላቶም ሐልየት ሐበርት... ወእሉ ለመሰል።

• ከገድም መሻርከት እብ ንየት ወመዐጸም እግል ልክደሙነ ንትፋኔ።

ዐውቴ እግል ገቢል

መሰኢትነ ምን እሊ መሕበር ጎማት

ምን እሊ መሕበር ጎማት፡ እሊ ክታብ እግል ልትረሸድ ብዙክ ንትጸበር። ሰበቡ ህይ፡ እሊ በሐሰ እሊ ረኣይ ናይ እሊ መሕበር ጎማት ዶል ለኣቲ ዲቡ ቱ ታምም እግል ልግበእ ለቀድር። እሊ ህይ፡

• ናቅሰት ለህሌት አትመሞት

• ገጊት ለህሌት አርትዖት

ኦሪትሮፖጵዳክ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘህሪ ዐሊ
* ፋጥነ ኣድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

ቢል ጌይትስ

ሸርክት IBM ምሳል ሸርክት Microsoft እትፋቅየት እት ወዲ ዐደድ መወዘፊን 1000 መወዘፍ ዐለው። ረአሰ ማለመ ህዩ። 306 አልፍ ዶላር እተይ ሰነት ዐለ እግሉ።

መቃብል ናዩ ህዩ ሸርክት Microsoft እንዲ እንርኤ ህዩ። 32 መወዘፊን ዐለው እግሉ። ክምሰሌሁ መካሰብ ብዙኡ ይዐለ እግሉ። ሸርክት ንኢሽ ዐለት እት እተዩ ወብዘሐ ሸቃላህ። ላኪን IBM እሊ ክሉ እተይ እት ጃቅፍ ጌትሰ ይዐለ ምሳል። ጌትሰ ብዙኡ ምን በራምጃ ሸርክት ለእት ሸሐግ ዐለት እግል ለዓልጅ ልትረገስ ዐለ።

ጌትሰ Windows (ዩንዶዝ) እግል ለአክትርዕ ሐድ 30 መብርሚጅን ፈዳብያም ጀምዐ ወእት ሸቅል ክልኤ ሰነት ምሳል ዝያደት ወቅት እት ሸቅ ጸንሐው። ነትጀት ሸቅሎም ብዙኡ ሰአዮት ለተህይብ ይዐለት። እትሊ አውቃት እሊ ጌትሰ ሰኒ እንዲ ለሐርቅ እግል መወዘፊን ድራክ ወዲ እቶም ዐለ። አሰክ (ዩንዶዝ) በጽሕ። ላኪን (አልማውሰ) እግል ልምሀዝ ቀድረ።

እት ሰነት 1986 ሸርክት Microsoft አሰህመ እት ክሉ አሰዋግ ዓለምን እግል ልትወዘዕ ቀድረ። ሚልኮተ ህዩ ቦል አለን ወቢል ጌትሰ ምን ትጅረ ሰብ ዓለምን ገበአው። ቢል ጌይትስ ላኪን ምን ቅኒዮም እዲን እንዲ ገበአ እት አሚሪክ ለልትመጣውሩ ሐግሉ። እት ሰነት 1986 ሸርክት ምክርሶፍት መውቀዕ እት ባርክ ላንድ እንዲ ቀየረት መወዘፊን 1200 መወዘፍ ክምሰል በጽሐ ወዲቶም። እት ሰነት 1986 እተ እንታጅ ማይክሮሶፍት ለትወቀለ ደረጃቱ ለበጽሐ እቱ እብ እተዩ ለኢቀንእ ይዐለ። መቃብሉ ዐውቴሁ አባያመ ብዝሐ ዐለው። እብ ፍንቱይ እት ፍንጌ ጌይትስ ወሸርክት APPLE ለዐለ አክይ መቅሬሕ ወመትሐዋራሩ አሰክ ቤት ፍርድ ቡጽሓም ዐለው። ክምእኒመ ልግበእ እንዲ ኢተን። እብ ለእግሉ አተአታተው በርመጀት። እንታጅ ሸርክት Microsoft ወሰከ እንዲ ኢተን ኢነቅሰ።

እት ሰነት 1999 ክታብ ካትብ ዐለ። ክታብ ህዩ ክምእኒ ልብል ዐለ። “ናጂሕ ወቀይ ወሻፍግ ትፍኪር” ቱ ልብል ዐለ። እሊ ክታብ እሊ መሻክል ወአሰቡር ለባልሕ ወለ ለአረትዕ ክታብ ቱ ለዐለ። ክምሰሌሁም እት ቃነዮት ኮምፕዩተር ከዋውት ፈዳቢት ነሰአው። እሊ ክታብ እሊ ሰኒ ከብቱ ዓለሚየት ረክበ ወእብ 25 ህግዩ ተርጀመ። እት 60 ደውለት ትነሸረ። ክታብ “ወቀይ ወሻፍግ ተፍኪር” እት

ዓለም እት መቀድመት አክትብት ትርቲቡ ጸብጠ። ፍንቱይ ወሕሩይ ክታብ እንዲ ገብአ ህዩ ሕሸመት ትህዩቡ።

ክታብ ጌይትስ ለሰልፋይ (ሄራር ረአሰከ ቀደም) ሕሸመት ለረክበ ክታብ እት እንቱ ሰነት 1995 ትጠብዐ። እሊ ክታብ እሊ እግል ሰቦ ሳምን እት ኒውዮርክ ታይምዝ ፍንቱይ ዐዳገ አርአ። ጌይትስ ለምን ክልአት አክትብቱ ረክበዩ መካሰብ። እት ተቅኒያት ኮምፕዩተር ለሸቅዩ ወእት ሄራር ተዐለም ወእት ምህታት ለህለዩ መነዘማት ትበርዐ እብ።

ቢልጌይትስ እግል መላንዳ ፍራንሱ ደላሰ። ህደ እት ሰነት /1/1/1994 ወሰልአሰ ውላድ ወልደ ምን። ጌይትስ ለቀሌት ቤት እት አሚሪክ ለመልክ። ወርት ምን ጸጉባም ዐለምናቱ። እሊ ቤት እሊ እት ግንራራብ በሐር እት ዓሰመት አሚሪክ ዋሽንጦን ድሲ ለትበኔት ቤተ። እት ሰነት 2002 ስዕረ ቤት ወለ እተ ብኒት ለህሌት አርደት እብ 113 ሚልዮን ዶላር ትቀዩመ። ጌይትስ ደረቦት እግል ቤቱ እት ሰነት ዎርት መልዮን ዶላር ደፍዕ። መላንደ ፍራንሱ ደላሰ (እሲት ጌይትስ በሀለቱ) ማለ እት መነዘማት ኬሪየ (ውዳይ-ሰን) ሰርፉ።

መአሰሰት መይል ወሚላንደ እግል ውዳይ ሰን። እት ሐንቱ ፍቅር ወአምራድ ክምሰል ከረ ኤድሰ ለልትረከብ ከፈፍል ምጅትምዓት እዲን ለህይብ ወሳንደ።

እት ሰነት 2000 መአሰሰት ጌይትስ 210 መልዮን ዶላር እግል ጃምዐት ካንባርጃ። ቅረዲት ጌይትስ ሰነት እግል ደረሳህ ትህዩቡ። እምበል እሊ ለመአሰሰት ዝያድ ገበልዮን ዶላር እግል ካልእ መሳዕዳት ሀበት። ክምሰል ምን ትቅሪር መጀለት ፎርባዝ ለትረከብ ትቅሪር ለልሐብሩ እት ሰነት 2005 ዝያድ 28.4 በልዮን ዶላር እት መሻርዕ ሰን ወእንሳኒያይ ሰዳይት ክምሰል ሀበዩ ትሸሬሕ። ምን እሊ ሐብሬ እሊ ልእንፍህመ ዎርት ስልሰ ማሉ ክምሰል አንፈቀ ልትዘክር።

ቢል ጌይትስ ምሰለ ናዩ ጽጋብ ለልትመጣውር። እምብለ እግል ባኒ ቤት ጸጉባም እት ግንራራብ በሐር ዋሽንጦን ለትበኔትእግል ራሓት ለለአበደዩ ማላት አለቡ። መልህይ ጌይትስ ቦል አሰን። ምሰሉ እንዲ ተአትመጣውሩ ቦል አሊን ጣእራት ወነዋዲ ርያደት መልክ ወአብያት ብዙኡ ዙቡይቱ። ጌይትስ ላኪን አክል

እሊ ምልኪያት አለቡ። መሰለን ማላቱ እግል ክሊን እት ምድር ለህሌን ምንዲ ልትካፈል እትን። ነፈር 15 ዶላር ወበጽሐን ወሐቆህ እግሉ 5`000`000 አልፍ ምልዮን ዶላር ወተርፈ እግሉ። ጌትሰ እብ ምርክቡ ክምሰል ሐቱ ደውለት ቀኒየት ምንዲ ልትወዘዕ። 36 ደውለት ምን ቀንያት ድወል እዲን እንዲ ገብአ ወትረተቡ። ማላት ጌይትስ ምን ምድር አሰክ ወሬሕ እብ ዶላር ዶላር ምንዲ ተልትሉ እግል 14 ዶል ወትዐጸፈ ወ713 ጣእራት እግል አትባጽሐቱ ወክለፈ።

እት ሰነት 2001 እት እዕላም እዲን። ምን 100 ተአሲር ለብአም እብ መሉኩ ማላት ወለ ህሌት እግሎም ሰሚት ወቅል ወለ ወድወ ተአሲር መግሸር። ክምሰል ካልአይ እት ዓለምን እንዲ ገብአ ትሰመ። እብ ህድጎም ወወቀዮም።

ጌይትስ ዲብ ቃእመት ፎርባዝ



400 እት ሰነት 1993- 2005 ምን ጸጉባም ዐለምን አወላይ ዐለ።

ጌይትስ ናይ ሕሸመት ደክቶራይት ምን ናይ ብሕተ ጃምዐት ስቶክህልም እት ሰዌድ ረክበ እት ሰነት 2002 ክምሰሉም ምን መዐህድ Waseda እት ሰነት 2005።

ሚርሓይ ፍራሰ ትህዩበ ትብህል ምን መልክት ብርጣንዩ። ካልአይት ኤልሰቤዋ እት ሰነት 2005 ወሀ ጀለ!” ገሌ እብ ማላቱ ሸንጎ። ወገሌ እብ ሐር ማላት ተንን ወደንን!”

ፍክር ቢል ጌይትስ ወመሰጠር ዐውቴሁ መብዘህ። ዶል አፍካር ጌይትስ እትሎም ለተሉ ትረክዝ ወእሎም ተአምን። እሰልፍ እት ትሉሉይ ወቀይ ወትንፋሰ ለአሊህይብ። ህቱመ እብ ገበይ ራትዐት ለገይሰ ወሳይር። እት ዐውቴ እግል ለአብጸሐከ ላዝምቱ። ክምሰል ካልአይት ንቅጠት ለልርእዩ ህዩ። በዐል ናጅሕ ፍክር

ወአምር እብ ዋጅብ ፍክሩ እብ ወቀይ ምንዲ ተርጀመ። እት ዐውቴ ለኢለአበጽሐ አሰባብ እግል ለህሌ እግሉ አለቡ። ሰኒ ለረከዘ ፍክር ወእብ ወቀይ ለትደቀበ ትልም እት ዐውቴ እግል ልብጸሕ ላዝምቱ። ላሊ ወአምዕል ክደም እንዲ ኢትትወጸዕ!! እብ ለባቡት ወፍክር ትነፈዕ እግል ኢትትፈጸዕ! እት ነቲጀት ዐውቴ እግል ትብጸሐቱ እግል ትትረየሕ ወትትበሰዋ። ጌይትስ “እብ ገበይ ራትዐት ሐቆ ላሊ ወአምዕል የአውቁክ እግል ትትዐውት ወእት ምራድክ ትብጸሕ ኢትትጸበር” ልብሉ።

ፍክረት microsoft ህለዮት ጀሃዝ ኮምፕዩተር እት ክል ጣውለት ዐለ። በርናምጅ microsoft softWord እት ክል ኮምፕዩተር ዐለ። ምን ሕልም እት ፍዕል ህዩ እብ አሰባብ ትሩዳም ዐቅል ወአምር ትርጀመ። ጌይትስ ሰኒ እዩሰ ወዋቂ ክምሰል እንቀርኡ ለህሌነቱ። እብ ክእኒ ህዩ መሰጠር ዐውቴሁ ሸርክ እግል። “እግል ኢትትዐውት ወራትዐት ገበይ እብ እግል ኢትሳይር ለዳርኩክ ኖሶም ህቶም ቶም ዔማት ሰርገልክ ወዐውቴክ” ልብሉ።

እብ ክልኤ መዐነት ለአምን። ዛይድ ፍክሩ ወመትባድራይ ደሚሩ ህቶም ቶም ለዲብ ዐውቴ መርሐውኒ” ልብሉ። እሎም ቶም ለእግል ሐሰብኩ ክምሰል እውዴ ለአቅደራውኒ” ልብሉ እት ህላ። ለፍክረት እት ወቅት መናሰብ ወአካን መናሰቡት ክምሰል ዐለት ኢልሐብዕ። ጌይትስ እብ ወቀይ ለአምን ወመትባድራይት አርወሐት። ወእብ በክት ኢለአምን። ምን ለአትዐጅብ ቢል ጌይትስ ለሐረየ ደውለት ዐረቢየት ወእግል ዝያረተ ሸንብርኪት እሰእኑ ለዋጫለ መሰር ዐለት። እሊ ውዲቱ እግል እሰራኤል ሰኒ ሓረቀዩ።

ለትወቀለ ድራክ ወመትባዳር ፍንጌ ጎግል ወማይክሮሶፍት ህላ። እሊ ህዩ ጎግል እግል ማይክሮሶፍት ዶልተ ክምን ምሸብ ሐቱ እት ሸብ ልትረአው። ጌይትስ ላኪን እብ ናይ ጎግል ብድረ ኢልትሃለግ መሰል።

Microsoft እት ደንጎበ ሰነት 1975 ምን ሕልም እት ውጅድ መጽአት። ውጅደ ህዩ ጅሃዝ ኮምፕዩተር እት ክል መክተብ ወቤት ዐለ። አዜ እት ሰነት 2005 እብ 30 ሐል ምን መተአሳሰ እቡ እት ለአሕተፍሎ ክምእኒ መሰል ዐለ። እት ክል ሰነት ትረክቡ ለዐለ መካሰበ ወብዘሐ መወዘፊን

- ክእኒ ልትቀረኡ-
- ሰነት-1975 መውዘፊን 3 እተይ \$16'550
- ሰነት-1976 መወዘፊን 7 እተይ \$22'496
- 1977 መወዘፊን 9 ነፈር \$3 81'715
- ሰነት-1978 13 መወዘፊን \$1'355'655'
- ሰነት-1979 28 መወዘፍ 3'390'145\$'
- ሰነት 1980 መወዘፊን 40 = \$7'520'720
- 1981 መወዘፊን 128 \$16'000'000 =
- ሰነት-1982 መወዘፍን 220 መወዘፍ \$24' 486'000
- 1983 476 መወዘፍ \$50'056'000
- 1984 =608 መወዘፍ \$97'479'000
- 1985 መወዘፊን 910 = \$140' 417'000
- 1986 መወዘፊን 1442 መወዘፍ \$197' 517'000
- 1987 መወዘፊን1817 = \$345' 890'000
- 1988 2793 መወዘፍ \$590' 827'000
- 1989 መወዘፊን 4'037 መወዘፍ \$804' 530'000=
- 1990 መወዘፊን 5'653 =\$1'183'446'000
- 1991 =8'226 መወዘፍ \$1'843'432'000
- 1992 = 11' 542 \$2'752'725'000
- ሰነት-1992 መወዘፊን 14'430 መወዘፍ እተይ \$3'752'701'000
- ሰነት-1993 መወዘፊን 15'257' \$4'648'981'000
- 1994 መ 15'257 = \$ 8'671'8671000
- =1995 መ 17'801 \$8'671'000

አልምህም እተዩ እት ደንጎበ ሰነት 2004 ክምእኒ መሰል ዐለ። ሰነት ሐቆ ሰነት እት ወሰክ እት ገይሰ ሰቡራቱ እት 2004 ክእኒ ልትቀረኡ። 2004 ብዝሐ መወዘፊን 57'086 እተይ \$36'840'000"000 ዶላር ቱ ልትቀየመ።

ዐጀብ! ክምሰል እሊመ ህላ። ህለዮት ሌጠ ኢተን ህለዮቱ ህቱ እንዲ ኢደሌን ሕናመ አመርናሁ። ጌይትስ ህለዮቱ እብ ወቀዩ ወደቁብ ፍክሩ አሰበተዩ። ህለዮት ህሌኮ ኢተን። ህለዮት ክሉ አርካን እዲን ለአምን እግሉ ወየለዮቱ እብ ወቀይ አርወሐቱ ለአሰበተ። ክምሰል ክል ወድ ሚን ኢደም ላሊ ወአምዕል እግል ምራዱ ልርኩብ እምበል ዕርፍ ለትጸገመ በዐል ላብብ ፍክር ወፍንቱይ ኤታን ሐያት! ቢል ጌይትስ።

ሰወር፣ ሳልክ ዐብደላቃድር

እተ ሐልፊ ወክድ ቅሩብ፣ ቅስም ጀራይድ ኤረትሮፕ እት አቅሊም ቅብለት በሐር ቀየሕ -ድዋራት ባጸዕ ወአዱሊስ እንዴ ተሐረከው፣ ብዙሕ ወራታት ዐግር ወአሳር ውሱቃም ህለው። ከምን ጀራይት “ሓዳስ ኤርትራ” ሰሐፊ መርሃዊ ገብራሚካኤል፣ ምሳል መሰኢል መሰነዕ ግሊን አሰይድ ነጋሲ ጎይትአም ለወደየ መቃብላት እብ ሸክል ክቱብ እኖጉረ ዐለ። ከተርጀመትለ ጽብጥ እንዴ ተለ ልትቀደም።

ግሊን ግሊን አምሳይት ክሳር ወድ አዳም አትሐዘዮት ውቁል ለበ መዓድን ተ። እት ታሪክ፣ ግሊን እት መንፈሳት አዳም እግል ትውዕል ለአንበተት፣ ምን 6000 ሰነት ቀደም ተውሊደት ነኢ ዓሳ ተ። እሊ በሀለት ለቀዳም ወድ አዳም፣ እትለ ናይ ኣዜ ሮማንዮ እግል ሰልፍ ኢት ትንፍዐው ቡ። ውላድ ቻይናም ምን ሰልፍ ግሊን እት መሰለሐት ለአውዐለው ክም ቶም ልትሀደግ። ከምን ሰልፍ ግሊን እት ነብራህም ለትንፍዐው ገባይል፣ ውላድ ኢብራይስጥ፣ ዩናን፣ ሮማንዮን፣ ውላድ ሀይቲ፣ ቢዛንጥዮን፣ መሰርዮን ወህንድዮን ክም ቶም ወሳይቅ ታሪክ ለሐብር። እተ ደርቦም ለተለ አዝቡን ህዩ፣ ለዘት ግሊን ለአመረ ገባይል እት ለትፈናተ አምዳር ዐለም እግል ልብለዕ ወልታጅር እበ አንብተ።

ግሊን እትወድን ዐውላ ረኪስ ሰበት ተ። አትሐዘዮት ድሀር ልትረኤን ገብሎ። ምናተ ግሊን እት አትሐዘዮት ልትዓደሉ ለአለቡ ሰበት ተ። አሰክ ድወል ለአትበአሰት ክምሰል ተ ታሪክ ለሐኪ። እብ ፍንቲት እተ እብ ብዝሐ ትፈራ እቱ ለይዐለት አውካድ ወአምዳር።



ሕጻቤ ግሊን

ግሊን እብ ዐውላ መትጃግራይ ለይዐለ እለ እት እንተ እግል ሰነን ብዙሕ አተሳላት።

ግሊን እት ተጠውር ለትፈናተ ሰልጠናት ደር ዛይድ ለዐለ እለ መዓድን ተ። እት አርብ እለልፍ ግሊን ለትንፍዐት ሰልጊትሳተ ለትብህል መዲነት ቡልጋርያ ተ። እግል ናይ ዮም መንጠቀት ባልካን ህዩ ግሊን

ሳሊና - ዓማት በቃዐተ ለትአከደት ግሊን

ትወጅድ ለዐለት መዲነት ተ። እሊ ህዩ ቀደም 5,400 ሰነት ቀደም ተውሊደት ነቢ ዓሳቱ።

ውላድ አዳም እተ ነብረ እግል ለዐለቦ ወእት መብረዲ እግል ልክረው ለአንበተው ዲቡ ቀደም 100 ሰነት። ግሊን ክም አግደ ዓምል ትትገነኡ ዐለት። ከግሊን አትሐዘዮት እት ድወል ብዙሕ ክም ተአመረ፣ ክሰክት ግል ብዝሕት እንዴ ወደየ እተ መሳኔዕ ካሰታት እለ ህለዮ።

እት ዐድነ ኤረትሮፕ፣ ናይ ዝያድ 100 ሰነት ለአደረ መሰነዕ አፍሪካት ግሊን ህለ። እሊ እት ባጸዕ ለሀለ መሰነዕ፣ ለሐልፊዮ ሄራር፣ ኣዜ ለህሌት እሊ ቅድረት አላት ወደረጃቱ። ክምሰልሁመ አግደ ዓማት ቅዝ-መዓድን ለበ ግሊን ጋብእ ለሀለ ጋድጥታት ሐሊባይ፣ ምሳል መመቅረሓይ ሸቅል መሰነዕ ሳሊና አሰይድ ነጋሲ ጎይትአም ውብዕዳም መሻቂቱ ለወዳናህ መቃብላት ካትባም እኩም ህሌት ቅራኣት በኪተት።

ሰአል፣ አሰይድ ነጋሲ ጎይትአም፣ እለልፍ ምሳል ክልፍየት መሰነዕ ግሊን እግል ተአትአምረነ?

በሊሱ፣ መሰነዕ ግሊን እት ሰነት 1907 እብ ክልኣት ሰብ ረኢሱ-ግል ኢጣልዮን ለትከሰተ መሰነዕ ተ። እሊ መሰነዕ እብ ህግዮ ጥልዮን “ሶሻላ ኢታልያና ሳሊና ፔር ላይ እርትሮፕ” ስሙይ ዐለ። ወራታት ሕፋር ግሊን ቀሊል ለመሰሉ አዳም እግል ለህሌ ሰበት ቀድር፣ ግሊን ምን ምድር እንዴ ተሐፈረት እት መትንፍዐት እግል ትብጸሕ ወቀይ ሰንዖት ብዙሕ እቡ ተሐልፍ።

እተ መደት ሰልፍ ለዐለ አሸቃል፣ ነሐር ወሐሊት ለልአቦዴ ዐለ። እሊ በሀለት፣ ለሸቅል እብ ከረ በዳይል፣ ገረዋይን፣ ሰኬሎታት፣ ጀናቢል ወዐረባት ደናክ እቡ ልትሸቂ ነብር እንዴ ዐለ። ምሳል ወቅት እት ልትጠወር መጽእ። ሳኪን፣ ምሳል ቅንጸት ካልኣይ ሐርብ ዐለም፣ አፍሪካት ግሊን ናይ እሊ ድዋራት እዴ ጋብኣት እቱ እንዴ ዐለት፣ ሐቆ እሊ ግድም፣ እት መደት ፈደራሽን ዘበናይ መትሻቀዶታት እግል ለአምጽእ ቀድረ። ክም ከራካት፣ ሐፋራት፣ ጀቃፋት፣ እብ ተረክተራት ለልትሰሐብ ዐረባት፣ ለመሰል ማሸናት ጥወር እንዴ አምጸኣ፣ ለሸቅል ነሐር ሸበህ እግል ለአትናቅሱ ቀድረ።

ክም ፍገራት ናይ እሊ ህዩ፣ ቅደስ እተይ ግሊን እት ሰነት 1968 ዲብ 120,500 ቶን ትወቀለ። ሐቆ እሊ ወክድ ግድም፣ ለመሰነዕ እት ክል ሰነት እተዩ እብ 120 አልፍ ቶን ግሊን ዲብ ወሰክ እግል ልጻርር ቱ ስቱት ለዐለ። እተ ትብህለት ሰነት ህዩ፣ ምን 425 ሄክታር ለገብእ ፍይሐ

ግሊን ግሊን፣ ዝያድት ናይ 500 ቶን እግል ልርከብ ሰበት ቀድረ፣ ለእተይ ዝያድለ ትሰኣዩ ገብኣ። ሰበት እሊ፣ ሰነት 1968 እት ታሪክል መሰነዕ ለትወቀለ እተይ ግሊን ለትጃቀፈ ዲብ ሰነት ገብኣት።

እት ዐድነ ፈራ ለዐለ ጅንሰ ግሊን፣ እት እድንዶይ ሰግ ጠለብ ሰነ ወዐሚም ዛይድ ዐለ እሊ። ምን መንጠቀትን ወኪን እንዴ ተዐደ ህዩ፣ አሰክ እት ረዩም ድዋራት ዐለም እብ ተሰዲር ገይሰ ዐለ። አሰጥጉ ህዩ ሰነ ርሐብ ዐለ። እብ ፍንቲይ እት ግብለት ኮርዮ፣ ማሌዝያ፣ ህንዲ፣ ጃፓን ወኪንዮ፣ ግሊን ሳሊና ሕራት፣ ፍቲት ወሕዘት ነብረት። ሰበት እሊ፣ ምሳል እብ ደረጃት ዐለም ጠለብ ዛይድ ለቡ ግሊን ድወል ብዕድ ልትረተብ ክም ዐለ። ወሳይቅለ መሰነዕ ለአክድ። ምናተ መሰነዕ ግሊን ባጽ። እት ሐን ምልክ



ግድቅ ምን መሰነዕ ግሊን

ኢጣልዮን መአንብተቱ ምን ሰነት 1907 አሰክ 1975 ሌጠ ጸንሐ። እት ሰነት 1975 ደርጊ እት ሰልጠት ክም መጽእ፣ ሐን ምልኩ አተዩ። ሐቆ እለ ዘማቴሁ ግድም፣ ለመሰነዕ ቅደስ እተይ ግሊን፣ መጃገራቱ ወደረጃት በቃዐቱ፣ ወዐደድ ሸቃላሁ አሰክ ለትደሀረት ደረጃቱ እግል ለሀገን አንበተ።

እት ሰነት 1990 ባጽዕ እብ ጀብህት ሸዕብዮት ክም ተሐረረት ሳኪን ለመሰነዕ እት ሰብኡ አቅበለ። ጀብህት ሸዕብዮት ህዩ፣ ጀብህት ሸዕብዮት ህዩ፣ እበ ሕድድት ቅድረት እቅትሳይ እት አትሳናይለ መሰነዕ አቱት። ሰነ ድመር ሰበት ዐለ ህዩ፣ ለዐለ ነዋቅስ እት ተአታምም እሊ፣ እት ሰነት 1992 እግል ሸቅል ብርንቶ ወዳቱ። እት ቀበት መደት ሐጫር ህዩ፣ እብ መቅደረትለ እት ሐርብ ድቁብ ሸመም ለዐለ ተንዚም ጀብህት ሸዕብዮት፣ እግል ሰልፍ ኢነቱ 19 አልፍ ቶን ግሊን ለአፍራ ቀድረ። እተ ተለ ሰነዋት፣ ደርያቱ እት ልትወቀል ንሱ። እት ሰነት 1993 እተይለ ግሊን እት 45 አልፍ ቶን፣ እት 1994 እት 65 አልፍ ቶን፣ እት 1995 ህዩ ዲብ 83 አልፍ ቶን ዜደ። አሸቃሉ ምን ወክድ እት ወክድ እብ ምልዮ እት ለዐቤ መጽእ ለሀለ መሰነዕ

ግሊን ግሊን፣ ጠለባት ደውሉትን ወድዋራትን እግል አታማም እት ትሩድ ሸቅል ጽሙድ ህለ።

እሊ ባካት ኩትምዮ፣ ግሊን ብዝሕት ትትሐፈር ምን ለዐለት ባካት ተ። እት ሰነት 2001፣ ለአካን ‘ናይ ሕር ሰግ መንጠቀት’ እግል ትግበእ ሰበት ትቀረረ፣ ለናይ ክል ሐል እተይለ መሰነዕ ምን 120,000 ዲብ 80,000 ቶን ትከረ። እሊ ለገብኣ እቡ ሰቡቤ ለ425 ሄክታር ርሕብ ለዐለ እሊ ግሊን ግሊን፣ ሐቆለ አዋጅ ርሕብ ዲብ 340 ሄክታር ሰበት ትከራ ተ። እብ ዓመት፣ ምን 1992 አሰክ 2003፣ መሰነዕ ግሊን ቅደስ 600 አልፍ ቶን ምን ግሊን አፍሪ። ግሊን 2004፣ ለመሰነዕ ተሰዲር ምን እንዴ በዋረ፣ እት ናይ ቀበት ዐድ ጠለባት ሌጠ እንዴ አተንከበ ሸቂ ህለ።

እት ሰነት 1998፣ ማንደርሰታን



አሰይድ ነጋሲ ጎይትአም

መቀየሲ ተ። ሰበት እሊ ለማይ ግሊን ዱቅሪ እንዴ ትገለለ እተ ሰልፋይት ደረጃት አካን ሃፈፎት ለአሰሐብብ።

ለ3.5 ዲግሪ ቡጥ ለዐለት ሐፋሰት ግሊን ህዩ፣ 15 ድግሪ ቡጥ አሰክ ትብጸሕ እትለ ሰልፋይት ደረጃት ገርሀቱ ትከርፋ ከጸኔሕ። እብ ጸሓይ ክም ሀፈ ህዩ፣ እትለ ሰልፋይ ሸቅል፣ ባይ-ካርቦናይዝ ለልትብህል ቀመም ኪማኢ ተአብጥር ምን። ምሳል-መ፣ ሐጸ ወትርበት ብዕደት እት ተሐት ትፍል እንዴ ገብኣ፣ ምን ማይ ለሕፋሰ እት ልትዓራ ልትረኤክ። ሐቆ እለ ሸቅለት እሊ፣ እተ መሐፍሳይ (concentrator) ለልቡለ ሸቅለት ተዐድዩ። እትለ ሸቅለት እሊ፣ ሐፋሰቱ አሰክ 25 ዲግሪ ቡጥ ትብጸሕ ነአጸንሐ ከካልሰዩም ሳልፊይት ለልቡለ ማደት እንወርኬ ምን። ካልሰዩም ሳልፊይት እት ሸቃይ ይብስ አው ጆሱ፣ ጠባሽር፣ ለሓም ለትሰበረ ሓጃት፣ ወአትጋራም ዲኮራት አብዮት ለነፍሳነ ሰነዕ ተ።

ምን እሊ ክም ሐልፊ፣ እተ መፍሪይ አው ሸቅለት አዘፈፎት (ክሪሰታላይዝ) ልትዕዴ። እትለ ህዩ፣ አሰክ 29.5 ዲግሪ ቡጥ ክም በጽሐ፣ ግሊን ሳፍየት ገብእ በሀለት ተ።

እሊ አሸቃል እሊ እንዴ ተዐደ ግሊን ገብኣ፣ እንዴ ትጀቀፈ እተ አካነት ሕጽቤ ልትነሰእ። እሊ ኩሉ ወራታት ሸቅል እንዴ አትመመ ደል ለሐልፍ፣ ብዙሕ አሸዮእ ምን ኪማኢያት እት ተአንድፍ ምን ተ ለትገይሱ። መሰለን፣ እተ ወክድ ሰፋየት ክም በጽሐ፣ እት መቅጠንለ ግሊን ማግንዘዩም ሳልፊይት ወባልዩም ሳልፊይት ለልትብህል ሰነዕ ልትከሬ ከልአግህም። እሊ ኪማኢያት እሊ፣ እግል ትወርኬ ወሰፋየቱ እግል ትዕቀብ ተ ህዩ - ዲብለ እብ ማይ ለልትሐጸብ ዲብ አካነት ለልትነጀል። እሊ ሌጠ እንዴ ኢገብኣ፣ ክም ተሐጸባመ ምሳል ግሊን ለጸኔሕ ወበቃዐተ ለልአከሲሕ ምንክ አሸዮእ ልትወርኬ በሀለት ተ። ሰበት እሊ፣ ለግሊን እብሊ ወራታት እሊ ሐልፊት ምን ገብኣ፣ በቃዐተ ምን ገብኣ ወነዳፈተ፣ ደማን ለበ ትገብኣ።

ሰአል፣ አሸቃል ሰንዖት ግሊን መሰል?

በሊሱ፣ ሰንዖት ግሊን ምን በሐር ለአሰተብዴ። ማየታት በሐርን፣ 3.5 ዲግሪ ቡጥ ቅደስ ሐፋሰት ለበ ግሊን ቡ። ቡጥ በሀለት፣ ሐፋሰት ግሊን ለትቀየሲ እቡ



መጅልሰ አምን ወለዛልም ቀራራቱ ድድ ኤረትሮፕ (8ኛ ክፈል)

እብ ዶ/ር አሕመድ ሐሰን ድሕሊ

1. ኤረትሮፕ ወጅቡ፤ እብ ዜረኖት ቀጠር፤ ዲብ ዮም 6 ጁን 2010 ዲብ እትፋቅሎት ሆይ ሕዳድ ክልኢተን ድወል እብ አሳሰ እድንያይ ቃትን፤ እብ ሐቲ እድንያይት ሸሪክት አሰክ ልትአሸር፤ ዳሽ ቀጠር ዲብ ሕዳድ ክልኢተን ድወል እግል ልጽነሕ ለልብል ቲ። ጅቡቲ ዜረኖት ደውለት ቀጠር እንዴ ኢጉብእ፤ ዜረኖት ፈረንሳ ተሐዜ ክምሰል ዐለት ዲብሎማሲያን ዓማታት ለሐብር። ለሰብ ሆይ፤ ቀጠር ገዘ ለአለበ ገበይ እግል ትተበዕቲ ለትብል ፈርሀት ሰበት ዐለ እለ እበ ምር እንክር፤ እበ ብዕደት ጀሀት ሆይ ምሰል ፈረንሳ ዕላቀት ረያም ሰበት በ እግል መሰረተ እግል ትሸቄ ክምሰል ትቀድር ዲብ ወግም እንዴ አቲተት ቲ። ምናተ ፈረንሳ ምሰል ቀጠር ዲብ ጅግረ እግል ትኣቲ ሰበት ይሐዘት፤ እግል በዳሪት ቀጠር እንዴ አየደት ሰዳይት እግል ተሀብ ዱሊት ክምተ እንዴ አከደት እግል ጅቡቲ ሰዳየት ክልኢተ።

1.1. ኤረትሮፕ ምን ንዮት ሰይት እንዴ ትበገሰት፤ ለቀድሞት እድንያይ ሸክል እግል ትጽብዎም ንዮት ሰበት ይዐለት እግል፤ ክምሰልሁም እብ ገበይ ሰላም ወሕውትነት ወእብ ገበይ ቃትን እብ ዜረኖት ቀጠር ሐል እግል ልግበእ እለ ለዐለት እለ ንዮት እንዴ ትበገሰት፤ እብ አሳሰሰ ዲብ ዮም 6 ጁን 2010 ለትበጸሐት እትፋቅሎት፤ ምን ጅቡቲ ምልክቶቲ ለትብሉ ባካት ውሕዳተ አፍገረት። አሰክ ሕዳድ ክልኢተን ድወል ልትሐደድ ሆይ ውሕዳት ቀጠር ዲብ ክምሰል ጸንሕ ገብእ።

1.2. ርኢሰ ሩአሰ ወዘረኢ ወወዘር ካርጅየት ቀጠር ለዐለ ሐመድ ቢንጃሰም ቢንጃብር አሳሂ ዲብ ዮም 6 ጁን 2010 አሰክ ርኢሰ አምን ምጅልሰ ቅራን ክሉድ ሂሊር ዲብላ ነድአየ ልእከት፤ “ደውለት ኤረትሮፕ ምን ለትክሕድ ባካት ሕዳድ ቅዋተ ስሕበት ሆሌት፤ እለ ላኪን እብ አሳሰሰ ትበጸሐት እትፋቅሎት፤ ለቀድሞት አሰክ ናይ ደንገበ ሐል ትገብእ እግል ዲኢትን፤ ክምሰል ናይ ‘ጅቡቲ አካን ቲ’ እንዴ ትቤ ለትቀበሉቲ እንዴ ወዳክ ለልትነሰእ ኢትን አው ክምሰልሁ እግል ለአሰማዕ አለቡ” እንዴ ቤለ እብ ዋዴሕ አትአመረቶ።

1.3. ርኢሰ ደውለት ኤረትሮፕ አሰያሰ አፈወርቁ፤ ርኢሰ ጅቡቲ እሰማዳ ዑመር ገሌን ወአሚር ደውለት ቀጠር ሐመድ ቢንሸሊፈ አልሳሂ ለፈርመው እተ እትፋቅሎት፤ እለ ለተሌ ተአክድ። “ሩአሰ ኤረትሮፕ ወጅቡ፤ እብ ዜረኖት አሚር ቀጠር ሓይሰ ሸክ ሐመድ ቢንሸሊፈ አልሳሂ፤ ራቴዕቲ ለቤላዮ ቃትናይ ወቲክኒካይ ምሰዳራት

እግል ናይ ሕዳድ አከይመቅርሕ ናይ ደንገበ ሐል ለለሀይብ መካኒዝም ለሸምል ሰነድ እግል ለአፍግር መሰኡልየት ታመት ለሀዩቡ። እግል ቀጠር ተአውጁ ናይ ሸቅል ወሲቀት ለገብእ ሐል ሆይ ልትክቡቲ።”

1.4. ለናይ እትፋቅሎት ወሲቀት ሰቦ ማዳት ለጸብጠ እትገብእ፤ ምር ምን፤ “ደውለት ኤረትሮፕ ምን ለትክሕድ ባካት ሕዳድ ቅዋተ ክምሰል ሰሐበት ደውለት ቀጠር አከደት” ልብል። እለ ምሰዳር እለ ላኪን እብ አሳሰሰ ትበጸሐት እትፋቅሎት አሰክ ናይ ደንገበ ሐል ገብእ ዲኢትን ክምሰል ናይ ሐቲ ጀሀት ሐቅ እዕትራፍ እንዴ ወዳክ ለልትነሰእ ክምሰል ኢትን ለሐብር።

1.5. ወሰል (ግል) ናይለ እትፋቅሎት አሰክ መዝመት



ምጅልሰ ቅራን፤ እትሓድ አፍሪቀ ወአልጃምዐ አልዐረብዮ ንዱእ ሆሌ። እለ ሆይ ዲብላ ፈርመየ እቲ ኤረትሮፕ፤ ጅቡቲ ወቀጠር እንዴ ተሐደደ ለተርፍ ጋር እንዴ ኢጉብእ፤ እድንያይ፤ አፍሪቅያይ ወዐረብያይ ዕመቅ ክምሰል ቡ ለለአክድ ቲ።

2. ፍንጌ ኤረትሮፕ ወጅቡ፤ ለትበጸሐት እትፋቅሎት 7 ማዳት ትክምክም። ሆቲ ሆይ፤ ቀዳማይት ማደት፤ እብ አሳሰሰ እብ ክልኢተን ጀሃት እግል በዐል ምግብ ደውለት ቀጠር ለተሀዩበት መሰኡልየት፤ ናይ ሕዳድ አከይ መቅርሕ እብ ርኢሰ ወዘረኢ ወወዘር ካርጅየት ቀጠር ሸክ ሐመድ ቢን ጃሰም ቢንጃብር አልሳሂ ለልትመረሕ ወክኢይል ክልኢተን ድወል ለብእት ልጅነት ልትክወን። ለልጅነት ሆይ ምሰል እድንያይ እትፋቅሎት እንዴ ትመረቃረሐ እብ አሳሰሰ እድንያይ ቀዋኒን ወመምርሐታት፤ እግል ሕዳድ ክልኢተን ድወል ናይ አሸርት ወራት ለተአገዴ፤ ሐቲ

እድንያይት ሸሪክት ለሐራ። ርኢሰ ሆይ፤ ወቀይ ልጅነት እግል ዐውቶት ልጅን ነኢይሽ እግል ልትክወን፤ ብቅምቶም እግል ቤላዮም ሰያሰዩን፤ ተክኒክዩን ወሰብ መቅደረት ናይ ቃትን አምራም እግል ልትነፈዕ መሰኡልየት ቡ። ካልኢይት ማደት፤ ሀደፍ ናይ እለ ልጅነት እለ ፍንጌ ክልኢተን ድወል ለሀለ አከይመቅርሕ ሕዳድ እግል ሀወኖት እግል ዕላቀት ወግውርነት ሰይት እበ ከድም አግቡይ ሕዳድ ክልኢተን ድወል አሸርት ቲ። ሳልሳይት ማደት፤ ክልኢተን ጀሃት ዲብ ሐንቴሆም አሲሪን ሀለው ምንገብእ፤ ብዝሐም ወአሰማዮም እብ ዋዴሕ እግል ደውለት ቀጠር ሰልዎ። ክምሰልሁም ብዝሐ አሰማይ ናይለ ሓለቶም ለኢትደሌት ለአቀርቡ። ፍንጌ ክልኢተን ድወል ሆይ መትባዳል አሲሪን ገብእ። ክምሰልሁም ክል ጀሀት ቴለል ናይለ ሓለቶም ለኢደሌት ትብሕሰ።

1.1 ምጅልሰ አምን ዲብ ዮም 11 ጁን 2010 ዲብ አፍገረዮ ሸሪሕ፤ “ ደውለት ቀጠር እግል አከይመቅርሕ ሕዳድ ጀምሁርየት ጅቡቲ ወደውለት ኤረትሮፕ እግል አሰክቦት ናይ ዜረኖት ዶር ተአይድ ወክልኢተን ድወል እትፋቅሎት ሰበት ፈርመየ ሆይ ፈርሐቲ ሸሪሕ”

እለ ክሉ ሆይ እብ ደውለት ቀጠር ዲብ ልትወጀሀ ገብእ፤ ራብዳይት ማደት፤ ክል ጀሀት ናትለ አሸርት ለትወዴ እድንያይት ሸሪክት ለቀርብ ምሆም ለትበሀለ ወሳይቅ ወሐብሬ እግል ደውለት ቀጠር ለሆይብ። ሓምሳይት ማደት፤ ለሕዳድ እግል ተአሸር ክልኢተን ጀሃት ለአተፈቀየ እተ እድንያይት ሸሪክት፤ ፈግሪት ሸቅለ አሰክለ ዲብ ቀዳማይት ማደት ናይ እለ ወሲቀት እለ ለሀሌት ልጅነት ተአቀርብ። ቀራር ልጅነት ሆይ እግል ክልኢተን ጀሃት ለቀይድ ወናይ ደንገበ ገብእ። ሰሳይት ማደት፤ ቀጠር እግል ናይ ሕዳድ አከይመቅርሕ ክልኢተን ድወል እግል አሰክቦት ለትዩመመት በዐል ምግብ ሰበት ገብእት፤ ለዲብ ሳልፋይት ማደት ናይለ እለ ወሲቀት ለሀሌት ልጅነት፤ እግል ሕዳድ ለከሰሰ ናይ ደንገበ ቀራር ለተአፈግር፤ ዲብ ባካት ቅዋተ እንዴ አትገሰት ሕዳድ ናይ ራቀቦት ወቀይ ትሳይር። ሳብዳይት ማደት፤ “ደውለት ቀጠር እግል እትፋቅሎት እብ ሰበት

ቤለ። ናይለ ወክድ ለሆይ አሚን ምን መዝመት ምጅልሰ ቅራን ባንኪሙን እብ ጀሀቲ፤ ዲብ ዮም 8 ጁን 2010 ዲብ አፍገረዮ ሸሪሕ፤ እግል እትፋቅሎት ክልኢተን ድወል ተአይዳ ሻራሕ ቲ።

1.2 እትሓድ አፍሪቀ እብ ጀሀቲ፤ ርኢሰ ተንፊዚሁ ለዐለ ጁን ቢንግ ዲብ ዮም 8 ጁን 2010 እበ አፍገረዮ አዋጅ፤ እግል ፍንጌ ኤረትሮፕ ወጅቡ፤ ለትበጸሐት እትፋቅሎት ተአይዳ ሻራሕ ቲ። እንዴ አትለ ሆይ፤ “እለ እትፋቅሎት እለ ዲብ ቀር አፍሪቀ እብ ግዲዳ አሆታይ ተአሲር እግል ለሀሌ እለ እተምኔ” ሆይ ቤለ።

1.3 “አሚን ምን አልጃምዐ አልዐረብዮ ለዐለ ምር ሙሰ እብ ጀሀቲ፤ ዲብ ዮም 8 ጁን 2010 ዲብ አፍገረዮ ሸሪሕ፤ እግል ሩአሰ ጀምሁርየት ጅቡቲ ወደውለት ኤረትሮፕ ፍንጌ ክልኢተን ድወል እግል ትክለቀ አከይመቅርሕ ሕዳድ እግል አሰክቦት ለፈርመየ እተ እትፋቅሎት እንዴ አየደ፤

አግቡይ አሰክቦት አከይመቅርሕ ሕዳድ እብሰከሰሰ ለፈግረት ወሲቀት እትፋቅሎት ወፈዳልየት፤ አሰክ መዝመት ምጅልሰ ቅራን ወአልጃምዐ አልዐረብዮት ወእተሓድ አፍሪቀ ትልእክ” እብ ሰበት እለ ቀድሞት እለ እለ ለተሌ ተውዴሕ ቀደሞት ምሆም ቲ።

1. መዝመት ምጅልሰ ቅራን፤ እትሓድ አፍሪቀ፤ አልጃምዐ አልዐረብዮ ወሐምሲተን ዳይማት አንፋር ምጅልሰ አምን እግል እለ እትፋቅሎት እለ ሰትደ ወለአዩደ።

1.1 ምጅልሰ አምን ዲብ ዮም 11 ጁን 2010 ዲብ አፍገረዮ ሸሪሕ፤ “ ደውለት ቀጠር እግል አከይመቅርሕ ሕዳድ ጀምሁርየት ጅቡቲ ወደውለት ኤረትሮፕ እግል አሰክቦት ናይ ዜረኖት ዶር ተአይድ ወክልኢተን ድወል እትፋቅሎት ሰበት ፈርመየ ሆይ ፈርሐቲ ሸሪሕ”

ደውለት ቀጠር እግል ክላፍ እግል አሰክቦት ትወድዩ ለዐለት ጸገም ሐምዱህ ሸርሐ።”

1.4 ኤለክትሮኒካይት ሸከት መክተብ ርኢሰ ፈረንሳ ክምሰል ተሐብሩ፤ ርኢሰ ፈረንሳ ለዐለ ኒኮላ ሳርኮዚመ ዲብ ዮም 8 ጁን 2010 ዲብ አፍገረዮ ሸሪሕ፤ “ኤረትሮፕ ወጅቡ፤ ናይ ሕዳድ አከይመቅርሕን እግል ሀወኖት ዲብ እትፋቅሎት ብጽሐተን ሐምዴይ እሸራሕ” ሐቅለ ቤለ፤ እንዴ አትለ፤ ፍንጌ ክልኢተን ድወል እግል ትክለቀ ቴለል እግል ሀወኖት ደውለት ቀጠር እግል አግዴቲ ዶር ሐመድ፤ ክምሰልሁም ደውለቲ ለተትሐዜ ሰዳይት እግል ቲዴ ዱሊት ክም ዐለት አከደ።

1.5 ውዛረት ካርጅየት ሩሰዮ ዲብ ዮም 10 ጁን 2010 ዲብላ አፍገረዮ ሸሪሕ ሆይ እግል ትበጸሐት እትፋቅሎት እንዴ አየደት፤ ሐል ክላፍ ሕዳድ ኤረትሮፕ ወጅቡ፤ ዲብ አደቀቦት ሰላም ወመሰኩበት መንጠቀት ቀር አፍሪቀ ዶር ክምሰል ለሀሌ እሉ አከደ።

1.6 ወዘር ካርጅየት ብሪግንዮ ወወዘር ዕዳገ ሕበር አፍሪቀ ሄንሪ ቤሊንግም እብ ዶሩ፤ ዲብ ዮም 10 ጁን 2010 ኤረትሮፕ ወጅቡ፤ አከይመቅርሕን እግል አሰክቦት እግል ወድያሁ ጸገም ሐቅለ ሐመድ፤ እግል ነሰያህ አወላይት ምሰዳር ዲብ ሰላም ወመሰኩበት መንጠቀት ቀር አፍሪቀ ዶር እግል ለሀሌ እሉ ለዐለት እሉ ትምኔት ሸርሐ”

1.7 በዐል ንሳል ውዛረት ካርጅየት ቻይነ ጋን ጋንግ ዲብ ዮም 11 ጁን 2010 ዲብ ሀበዩ ሸሪሕ፤ ፍንጌ ኤረትሮፕ ወጅቡ፤ ለትበጸሐት እትፋቅሎት እንዴ ሐመድ እግል ዜረኖት ቀጠር ሐመድ።

1.8 ፍሊፕ ክራውሊ፤ እብ ሰሜት ወዛረት ካርጅየት አሚርከ፤ ዲብ ዮም 15 ጁን 2010 ዲብ አፍገረዮ ሸሪሕ፤ “አሚርከ እግል ዲብ ዮም 6 ጁን 2010 ፍንጌ ርኢሰ አሲያሰ አፈወርቁ ወታንጃሁ ርኢሰ ዑመር ገሌ ለትፈረመት እትፋቅሎት ተአይድ” ሐቅለ ቤለ፤ ጅሀድ ናይለ ወክድ ለሆይ አሚር ቀዋደር ሐመድ ቢን ሸሊፈ አልሳሂ ሐመድ።

1.9 በዐል ንሳል ሸኡን ካርጅየት እትሓድ አርብ ለዐለት ካትሪን አሸተን ዲብ ዮም 9 ጁን 2010 ዲብ አፍገረቲ ሸሪሕ፤ “እትሓድ አርብ እግል በዐል ምግብ አሚር ቀጠር እትፋቅሎት ኤረትሮፕ ወጅቡ፤ ለአይድ፤ ፍንጌ ክልኢተን ድወል ለትበጸሐት እትፋቅሎት ሆይ፤ ናይ ሕውትነት ወሰን ግዋሬ ለትመደደ እተ እትፋቅሎት እግል ብልሰት ምሆም ምሰዳርተ” ቤለት።



ኤረትሮጵያ ምስል ክሉ ገቢ ለን ናይረት ሰማን ማርሰ 2024 ዐዩደዩ

“መሳዋት፣ መብደእነ ሳብት” ከሊመት መ.ወ.አ.አ.ኤ.፣ እብ መናሰበት 8 ማርሰ 2024

ናይ ዮም ዓመት 8 ማርሰ እድንገይት አምዕል አዋልድ አንሳት፣ እብ ደረጃት ወጠን “መሳዋት፣ መብደእነ ሳብት” እብ ትብል ስቅራት ዲብ ዐድ ወክርጅ ክም ዲመ እብ ሕሽመት ትትዐዩድ ህሌት። ዲብ ሄራር ንዓል፣ ህደፍ መሳዋት እግል አትመዋት ገለድን ለአጃጅድድ እተ መብደእ ሳብት ሳተ 8 ማርሰ፣ አዋልድ አንሳት እብ ደረጃት እዳን እብ ዓመት፣ ኤረትሮጵያ ህደ እብ ፍንቲይ፣ ብጽሕት ለህሌት ደረጃት ዐቡት ወመሳዋት እንዴ አሰቡተ፣ እግል ወቀይ መሰተቅብል እብ ንዩት ወመዕጸም ለልትብገሰ እተ አምዕል ፊቃዶ ወጌማም ተ።

ናይ ዮም ዓመት፣ 8 ማርሰ ክምሰለ ርኢስ እሰያሰ አፍወርቂ እብ መናሰበት ሰነት ሐዳስ 2024 ዲብላ ሓለፊዩ ልክነት ለቤለዩ “ዲብ እሊ መትብጭባጭ መሻክል ቃራት ወዐለም ለበዘሐ ዲቡ ወክድ፣ ሽዐብ ውፋቁ፣ ውሕደቲ፣ አምት ወሰላሙ እንዴ አከደ፣ ሕርዩቲ ወሰያደት ምድሩ እንዴ አሰቡተ፣ ዲብ ኩሉ መጃላት ክም ዲመ እብ ደቅብ ዓዳት መዳፈዐቲ ወወውቲህ ለአከደ ዲቡ ተእሪክ ፍንቲይ ለቡ ወክድ ቱ” ትትዘክር ለህሌት።

ሽዐብ ኤረትሮጵያ ዲብ መደት ግድለ ታሕሪር ልግበእ ወሐቀህ፣ ለጉብእ ሽዐብ ወሕኩመት እግል ልክህሉ ለአቀድር መትጃግራይ ለአለቡ ጀርቤታት ከይነት ወጸብኢት፣ እብ ሰባተት ወኤማን እግል ልትዐዴ ለትቀሰበ ሽዐቡ። እብሊ ህደ ተእሪክ ሽዐብ ኤረትሮጵያ ሚዛኑ እብ ሕርዩት እግል አምጽኦት ለጉብእ ንዓል ሌጠ እንዴ ኢገብእ፣ እብ ምን አጅል ዐቂብ ሰያደት ወአድመፍት ሕርዩት ለጉብእ ግድለ ወለትደፈዐ እስትብሃድመ እግል ልትቀየሰ ለቀድርቲ። ዲብ ናይ ክልኤ እሊን መርሐለት ንዓል ህደ ተእሪክ ወጠንገዩት፣ ሰባት ወፍርሰነት ናይ ኤረትሮጵያ አዋልድ አንሳት እብ ደዋት ዳምቀት ሰጅል ቱ።

አዋልድ አንሳት እግል እሊ ሐድ መትጃግራይ ሌጠ ለቡ እምበል ዕርፍ ለደፍዐያህ ወአሰክ አዜ ለአተላላ ለህለ ዐውል ቃሊ ደፈዐ ዲብ ህለዩ፣ ፍሬህ እግል ሓራት እንዴ ሰአዩ ዲትን፣ “እግል ርሕነ ሌጠ እግል ንክሰብ ምት ወንትሰርገዮ” ኢቤለዩ። ልሳዕ ህደ ምስል ክለ ከግደቲ፣ ክምሰለ አቅሕጦተት ምን ቅድረተ ወለዐል ሳቲ ጸር እንዴ ረፍዐት፣ እብ ብሰር ወዐገል ንዩት እንዴ ኢተሓቋር ወሰአዩት እንዴ ኢትብትክ ዲብ ትሰሕብ ወተኣት-ቫክት ለእግል ተሐዜ ኣካን ለተኣብጸኡ፣ ህተንመ ዲብ ከህላት ለጠልብ ወክድ ሸቅል ኩቡድ እብ ንዩት ታመት ወዲብ ወቅት ለውቀት ወፈይገት ህደ ምስል በርህት ጽሓይ እብ ልትዓደል ገጽፋሬሕ ወደሚር ናሴሕ ረኢስ ቀደም ምን አሳደርት ለብገረዩ ዲቡ ወክድ፣ በታተን ኢልትረኩ።

ማሕበር አዋልድ አንሳት ኤረትሮጵያ ናይ አንፋሩ ለኢልትክመህ ሽዐር ልግበእ ወለህለ እግለን ናይ እጅትማዕዩት ወእቅትሳድ መታክል እብ ትሉሉይ ወእግል ወክድ ረዩም እብ ለአተላላ ሄራር፣ እግል ወቀዩን ለልትዓደል ምንም ኢገብእ፣ ክም ንዩት ወክድመት ናይላ መሕበር፣ ለሳብተት ወዕንድቅት ሳተ ዓጸተን ዲብላ ዐቤት ወለትወቀለት ደረጃት እግል ትብጸሕ፣ ዲብ ሄራር ሸቅል ቱ ለህላ። ሰበት እሊ ማሕበር አዋልድ አንሳት፣ ዓማት ናይ መትዛም ወግድለ አዋልድ አንሳት ሰበት፣ እግል እንዴ ትጋደለዩ ወትጃገረዩ ምስል ለተዐወተዩ ዲብ ጽልመት ለትመግወር፣ ኣካን ሳብተት እንዴ ጸብጠዩ፣ እግል ሊረሰ ወለአውርሰ ወዲብ ደማነት ላብ መርሐለት እግል ልብጸሐ ከተእሪክን እብላ ትወቀለት ደረጃት እግል ልትሰጅል፣ እብ ተአስትህል ገበይ እግል ልክደም ዲቡ ቱ።

እግልሚ ኤረትሮጵያ ወለት አንስ እብ ዐበር ጭብዒት፣ እብ ክልኤ እዳህ፣ እብ አምረ ወፈህመ፣ ናይ ጠቢዐት ፍንቲት ክልቀተ፣ ዓመተን እብ ክለ ሓላተ፣ ህተ ለኢሻረከት ዲቡ ንዓል ዐለ ዶል እምብል፣ እሊ አዜ እብ ሕበር ንትመታዕ እብ ለህላን ህዋእ ሕርዩት ወትረከብ ገብእ፣ በሊስ ለኢለኣት-ሐዘዮ ሰአል ዋዴሕ ቱ።

ሽዐብ ኤረትሮጵያ፣ ዐዳለት እጅትማዕዩት ለተአከደ ዲቡ መጅተማዕ እግል ለህላ ዲብላ ወድዮ ግድለ፣ አከደት ሕቁቅ ወመሳዋት አዋልድ አንሳት፣ ክም አርት ምንላ ዐባዩ ተከዩ አህዳፋ እንዴ ወደ፣ ወዲብ ቀዋኒት ወማዳቲ እንዴ ሰጅሎ፣ አዋልድ አንሳት እብ ኩሉ እንክራተን ለትሳቄት መሻረከተን ለለክክዳቡ መጃል ሌጠ እንዴ ኢገብእ፣ እብ ሕበር ለከሰበ ምን ደማነት ለተህይብ አርድዩት እግል አዋፍሐት ክድም ህላ። እሊ ዲብ ዐመል እግል ልተርጀም ህደ ዲብ ናይ ሰያሰት ወእቅትሳድ፣ ወዲብ ናይ እጅትማዕዩት ወሰቃፈት መትቀዳም፣ ለትፈናተ በርናምጅ ሰርጉል እት ገብእ ጸንሐ ወህላ። እብሊ ርኩብ ለህለ በክት ሸቅል ህደ አዋልድ አንሳት ለትፈናተ ምህናት እንዴ ደርሰዩ ዲብ ኩሉ ጋራት መሻረከተን ወወቀዩን፣ ዲብ ልትደቀብ ወተርድ መጽእ ክምሰል ህለ ለለክርኤ፣ እሰባት ካሬ ቱ።

መሳዋት፣ አርት ምንላ ሽዐብ ኤረትሮጵያ ለልትሐበን እቡ ነባሪ ግድላና ቱ። እሊ መብደእ እሊ ህደ መካሰቡ እብዋዴሕ ሰበት ተአከደ፣ አዜመ መርበይ ሳብት ናይላ መጽእ ሄራርና ቱ። ዲብ እሊ ሳብት ሳቲ መብደእ እንዴ ተንክብን ተቅዩር ናይ ዐቡት አዋልድ አንሳት ተቅዩር አሳሲ ምን ወቅት ዲብ ወቅት ወሰክ ወልትጠወር ህለዮቲ፣ ለንትሐበን እቡ ምስትንክር ቱ። እብ መናሰበት 8 ማርሰ እድንገይት አምዕል አዋልድ አንሳት ህደ፣ አብካት ወሕቁቅ አዋልድ አንሳት ታምም እግል አከደት ገብእ ዲብላ ጸንሐ ንዓል ሰጅል ለህለ መትቀዳም፣ ክም ክፋል ናይላ ለለሐብን ህደፍ ሰያሰትን ወተእሪክን ክምሰልቲ እንዴ አመርኩ፣ ለትትሐዜ ደረጃት እግል ትትበጸሕ ለጃል ለዌርሳይ ለሌሰ ወለትሳወ በክት እንዴ ረክበ መሰተቅብሉ ባርህ እግል ልትአከድ፣ መጅተማዕ እብ ሕበር ገለዱ እግል ለአትሐድሰ ማሕበር ለአትሓቀድ።

ዕምር ጥወል እግል 8 ማርሰ እድንገይት አምዕል አዋልድ አንሳት!
ዘክር ዳይም እግል ሸህዳ!
ዐውቲ እግል ገቢል!



ዮም ዓመት እድንገይት አምዕል አዋልድ አንሳት እት ክለን ኢቃሊም ኤረትሮጵያ፣ እት ሳወ፣ እት ክለን ኤረትሮጵያን ለነቡረን ቃራት ዐለም “መሳዋት፣ ሳብት መብደእነ” እት ሐንቲለ ትብል ስቅራት እብ ነደረት ተዐዩደት።

እግል ኤረትሮጵያን ዒድ አንሳት ዒድ ክሉቲ፣ ንኡሽ ወዐቢ፣ መደንገዩን ወሰብ ሰልጠት ሕኩመት፣ ሕካም ወዘብጥ መጦር አዋልደም፣ ሐዋቶም ወእማቶም እንዴ በጥረው እብ ሐበን ለዐዩዱ። እግልሚ ዒድ ሄሰት ወመዘራካይ ሌጠ ኢትን፣ ዒድ ጌማም ወአትዋደን፣ ዒድ አትሐደሶት ገለድ ወሰዲድ ዕንዳቀት እግል መሳዋት አማን ቱ። ገቢል እግል አንስ ወተብዐተ ሰወ በክት ለተህይብ ኤረትሮጵያ፣ ዒጸተ ዲመ ሓጠት ወደለ ሓይል ኣነ ለልብል ለኢሊህንዘዘ ትርድት ክምተ ሰበት ለአምን መሳዋት ኢሊህይን ወእለ ምዕል እሊ ምዕል አትሐደሶት ገለድ እግል ዳይም ወአዳባር መሳዋት ምን ገብኣት ለዐይደ ወምሰል አንሳቲ በጥር።

ክመ ተህደገ እት ክለ ዐለም ምንመ ተዐዩደት 8 ማርሰ እት ዓሲመትን አሰመረ ለገብእ ምን እንረኤ ህደ ዲብ ሐረት ኤክሰፖ ትዘክረት።

ዲብላ ውቁላም ሰብ-ሰልጠት ሕኩመት ወጀብህት ለሐድረወ ዓደት፣ መሰኡለት መሕበር ወጠን አዋልድ አንሳት አቅሊም ምግብ አሰይደ አለም በላይ ከሊመት አሰመዐት። ህተ፣ 8 ማርሰ እግል ተማመት ህደፍ ንዓልን ገለድን ለእንጃድድ ዲቡ ክምሰልሁመ አዋልድ አንሳትን ለትበጸሐ ሰርገል እንዴ ሐፍዘዩ፣ እግል ዛይደት ክድመት ምራድ ወሐለት ለለኣትሐሰዩ ዲብ አምዕል ዘክረት ወጌማም ክምተ ሸርሐት።

አሰይደ አለም ህግያህ እት ተአተላላ፣ ሳወ አብካት አዋልድ አንሳት እግል አከደት ገብእ እትለ ጸንሐ ንዓል፣ ርኡይ ለህለ

መትቀዳም፣ ምር ክፋል ምን ለለኣትሐብን ሰያሰይ ነባሪን ወተእሪክን እንዴ ገብኣ ልትሰጅል ክም ህለ እንዴ ሸርሐት፣ እሊ ህደፍ እሊ ዲብ ተማመቲ እግል ልብጸሕ፣ እግል ለመጽእ አጅያል ለሌሰ ወዘደድ ለትመሳወ አብካት እግል ልትከለቅ፣ ኩሉ መጅተማዕ ገለዱ እግል ልሐድሰ ተሐሰበት።

ዲብላ መናሰበት፣ እግል ሕሽመት እድንገይት አምዕል አዋልድ አንሳት እት ፍንጌ 22 ናይ ካልኣይ ደረጃት መዳርሰ እትለ ገብኣ ጅግረ አምር ክቲብ፣ ክምሰልሁመ እት ፍንጌ ምን ለትፈናተዩ መሰሰሳት ሕኩመት ለትወከለዩ ሸቃላ እትለ ገብኣ ጅግረ ማዕሉማት ዓመ

ለተዐወተዩ ጀዋእዘ ልትህዩብ እት ህለዩ፣ ዲብ ወጠንያይ እምተሐን 8ይ ፈሰል ዝያድ 96 ምን ምእት ለአምጽኢያመ ጀዋእዘ ረክበዩ።

ምን ውዛረት ድፈዕመ፣ ህይኣት ጸዋር እብ መናሰበት 8 ማርሰ፣ ዶር ወፈራሰት አዋልድ አንሳት ኤረትሮጵያ እትለ ትፈናተ መራሕል ንዓል ለለኣርኤ በራምጅ እት ዮም 7 ማርሰ እንዴ ነዘመ፣ ለምዕል እብ ሄሰት ወአትፋቃድ እማነት ዐዩደት።

ዲብላ ለገብኣት ዓደት፣ ገዳይም ምናድላት ወአንፋር ‘ኤምዳድ’፣ ለሐልፊ ተእሪክን ወወሰህመን ለሸሬሕ ናይ መትወራራሰ በርናምጅ ቀደመዩ።

ዕንጃረ

ቃሊ ክል-ዶል ቃሊቲ ፡ ወለእበ በክስ እብ ናሱ ወህተ ፍንቲት እብ መዐለት፣ እት ወቀዩ ለሐሰሱ ብዘሕ ርኤኮ ወሰዐኮ - ሐጠር ፋግር ምን ቀሱ ወእንትላዲ ኢዋገጥ፣ ምንመ ቦብር ወለሐሱ።

ዶንክ ገናደሎቲ፣ ከነኡ-መነእ ግያሰ ሸሎግ ገመኔታት፣ ሐዩትቲ ለእናሰ እለ ደህብ አሰሎታት፣ ሻነት ትሩድ አሳሰ።

ሸምብሬበት አዋልድ፣ ወእምባራህን እግል አንስ እተ ሐቀ ወገበዩ፣ ኢትትማሰል ወኢትነሰንሰ ዐጃይብቲ ታሪኩ፣ ትሰአሎቡ እት ክታብ ጊንሰ ልትቼበወ እግል ተጃርብ፣ ዶልክ ለሐጠር ተአዳንሰ ለሐቲነ አክል አልፍ፣ ወአልፍ ትወልድ ምን ፋርሰ እብ አልፍ፣ አላፍ እሎም ተአደርሰ

ወምን አልፍ፣ አልፎታት ተአወርሰ ዐማካሊ ወጠኩ ብሕል ተአምር ወበኣስ እግል አላዩ፣ ጨበል ትወድዮ ወመአሰ ዕንጃረ! ዶልክ ለዐውቲ ትተርኣሰ። ተህኪኮ ኢትብል፣ ዐድ ወክደን እት ሸቄ እንዴ ትመልእ አካካ፣ ኣካን እናሰ ተአወቄ ምን ህሌት ክምሰልህ፣ እትለ ዐለም ምን ነሐዜ ምንኬነ አለቡ፣ ክለን ምን-ወእንኪ።

ሕርመትን
ፍቲ ተአደርሰን፣ ትብል “ሐ ወፈታይ” ረሕመት ተአደርሰን፣ እንትል ውሉድ ወዋልዳይ ጸንት ተአደርሰን፣ “እንኩም!” እምበል ዕዳይ ወራት ተአደርሰን፣ ፍክር ወለውዳይ ምርወት ተአደርሰን፣ ሰባት እግል አመርዳይ ሐጠር ተአደርሰን፣ ዕንተ ፋግረት ምን ዕራይ ወክሉ ተአደርሰን፣ መሸግ ለኢኮን ወዋራይ ት፣ ጀውሀር ተ ወጀህራይ
ህተ ዕንጃረ፣ ሕራትተ ምን ሕራይ።
መሰ ጃብር - 8 ማርሰ 2024

ሸባብ

ዶ/ር ዐ-መር ዐ-ሰማን



“ለትብብር ልትወጡ ወለለህበ ፍሬ ለህበቱ ረክብ!”

“ሻብ ዐብደልርሕማን መሐመድ - ኑር”

ዐብደልርሕማን መሐመድ-ኑር ልትብብር። እት መዳኒት ነቅፈ ዐበ ወደርሰ። ነፈር ዕሰረ ወሳላሳይት ደውረት ክድመት ወጠን እት ገብኢ። ዲብ ክልየት ዕሉም ዓፍየት አሰመረ እብ ርትብት ዲግራ። ዕልም ዕመማይ ብሕሰ ሕክምን (CLS) እንዴ ትከረጅ። እግል ምላዕል ሴዕ ሰነት እት እሱብዳልየት ነቅፈ እግል ሸባብ እብ መዐጸም ከድም ለህለ ሻብ ቱ። ከምሰሉ ለወዳኖህ መቃብሉት ትተላሌ...

ሰአል፡ አሰናይ ደሐን መጻክ ሻብ ዐብደልርሕማን ምሳል ነፍሰክ እግል ተአትአምረን?

በሊሴ፡ አሰናይ ደሐን ጸናሕክም። እግል ለሀብኩኒ በክት ወፍርሰት እግል ሐምድ እፈቱ። ስምዬ ዐብደልርሕማን መሐመድ-ኑር ሙሳ እትብህል። እት መዳኒት ነቅፈ ትወለድኩ ወዐቤኩ። አወላይት ደረጃት ምህር እት መድረሰት ላርሽ ደረሰኩ። ምን ሳድሰ ፈሰል አሰክ ሳምናይ ህዬ እት ምግባይ መደረሰት ጸብረ ደረሰኩ ወእት እምተሓን ወጠን ሳምናይ ፈሰል 86 ምን ምእት ንቅጠት እንዴ አምጸኦት እት ካልኣይት ደረጃት ምህር አቱኩ።

ሰአል፡ እግል ዐብደልርሕማን እት መአንብታይ ደረጃት ምህር ወዕምር ንእሽ ከአፎ ትሸረሐ?

በሊሴ፡ ክመ ለበዘሐ ክፈል ገቢል እርትርየ መናበረቱ እት ሐርሰ ወርዕዮ ለትተክብሎ ከኖመ ምን እብ ሐርሰ ወርዕዮ ንዋይ ለትትናበር ዓኣለት ትወለድኩ። ምደርሰኒ እተ ወቅት ሚ እግል ትግበኦ ተሐዙ እት ልብሎ ልትሰአሉኒ ሰበት ዐለው። እበ እት እድንዮ ለህለው ምህናት እግል ንፈክር ወምደርሰኒ ንምሰል እንጅህድ ዐልኩ። እተ ወቅት ለሀይ ክም ምደርሰኒ እግል ትግባእ ተሐዘ ምን መድረሰት ክም መጸኣኩ ህዬ እት ናይድ እትፈርር ወዋልዳንዬ እሰዴ ዐልኩ።

እት መአንብታይት ደረጃት ምህር ፈዳብ ወመትጃግራይ ሕጻን ዐልኩ። እለ መጃገረት ህዬ መረ ነፍዑተኩ። ሰበብ ለምሰልክ ህለው አንፋር እግል ኢልሕለፍኩ ቱ ለለትሸቁ። እት አክር ላኪን እለ ጅግረ እለ እግል መሰሎሕትን ገብኣት። ምን መትጃግረትን ወለዐል እግል ንግባእ እት እንብል። ቅድረትን እት መድረሰት እግል ንወቅል ቀደርኩ። እተ ወቅት ለሀይ ክም የም። ክም ምራድክ ሉቺ ልትረከብ እቱ ለዐለ ወቅት ኢኮን። መድረሰት እብ ፍትሐተ ሌጠ ንትረየሕ ዐልኩ። ሕፍዝ ላሊ እብ ለምበት። ምድግ ወሽሚዕ ቱ ለዐለ። ሰበት እለ ደረሰ የም ለህለ እሉም አብዮት ምሰል እለ እት አወል ሰፍታት ሕርየት ለዐለ ሓላት ምን ለአትጃጉረ ሰኔት ወፋይሐት ርእየት እግል ልርከዮ ቀድርኩ።

ብዕድ እት ምግባይት ደረጃት ምህር መ ደሐን ደረጃት እት ብዬ

ክም ናይ መአንብታይት አተላሌኩ። ክለ ወቅት መትጃግራይክ ፈዳብ ገአ ምን ገብኢ። እንታመ ክምሰልሁ ወምኑ ወለዐል መቅደረት ድራሰት እግል ተህሌ እክ ሰበት ትክድም። እት መድረሰት ፈዳብም መትጃግረት ዶል ብክ ሰኔ ቱ። አናመ እትለ ለሰሜናህ ደረጃት ምህር ክም እሉም ደረሰ ሰበት ረከብኩ። መረ ነፈዐውኒ እብል። ወምን አወላይ አሰክ ሳምናይ ህዬ አወላይት ጃኢዘት እት እነሰእ ከለሰኩሁ።

ሰአል፡ ሻብ ዐብደልርሕማን እንተ እት ነቅፈ ተወለድክ ወዐቤክ ወአዜመ እብ ምህንትክ እተ ትሸቁ ህሊኩ። ነቅፈ ህዬ እም ታኣሪክ ቱ ታሪክ ቱ እሻረት ሐብኩ ስሙድ ወንዳል እርትርየ ቱ። ከአዜ ምን ምህን፣ አዩ ሰዶሐ ወድ ካርጅ ልግባእ መእርትሪ ወእብ ፍንቱይ ሸባብ እርትርየ እት ሐዶቶም ላዘም እግል ልርአወን ወልብጽሕወን ስም ለትብለን አካናት እት ነቅፈ ሰሚ እን?

በሊሴ፡ ነቅፈ ክለ ሸባብ ምን ምድረ ታሪክ ቱ። ቅድረቼ ምን ኢተሐምቅ ወይእትዕብ። እንዴ ዳገምክ ለልትክለሰ ታኣሪክ ኢኮን እት እት ነቅፈ ወድዋረ ለህለ። ከገሌ ምኑ ምን እንሰሜ። ድፈዕ ድማናይ ወድገለባይ ነቅፈ። ደንደን። ወለት ደንደን። ዋንጨ። ፋርኔሎ። ላጃን። ወግሬት። መሓዝ ምዮ። መሰጅድ ነቅፈ። አግራዕ። ክም መካትብ ምን ገብኢ። አብዶት ሰከን። ዕደዳት። መትፋግዲ ወብዕድ ነፈዕ ለዐለ ካናድግ እግል ንሰሜ እንቀድር።

ሰአል፡ እት ካልኣይት ደረጃት ምህር፣ እት ገቢይ ሕፍዝ፣ መትጃግረት ወቅትክ ወመዳላይክ እግል ማትሪክ ከአፎ ዐለ?

በሊሴ፡ አነ ካልኣይት ደረጃት ምህር እት መድረሰት ጸብረ ደረሰኩ። ምን ምግብ ሱግ መዳኒት ነቅፈ ገቢይ ሐድ አርብዲን ደቂቀት ትገብኢ። አዜመ እት ካልኣይት ደረጃት ምህር ለእት ጃኔር ዐለ ጅግራታት ክመ እለ ዐለ አተላሌ። ከክመ ለእት ካልኣይት ደረጃት ምህር ድራሰት ተዓብዮ። ለተሐፍዙ ወቅት እግል ልብዘሕ ወልትነዘም። አግቡይ ሕፍዝኩም እግል ልሰኔ ለአትሐዘዬ። ማትሪክ ሐቱ ምህም ምሰዳር እት ሐዶት ሸባብ ቱ። አይወ እግል ትድግመ ትቀድር። ላኪን ምን አወልክ ዱሉይ እለ ዶል ትግባእ ለሐይሰ ወምን

ትዕስ ትድሕን። ከእብ አሳሰ እለ መፍሁም ምን ታሰዳይ ፈሰል እግል ትዳሌ እሉ ለወጅበክ መርሐሰት ሐዶት ተ እብል።

አዜ መድረሰት ጸብረ ምን ዐሰር አካን ቱ ደረሰ ለመጸእው። ሰበብ ጸብረ ቦርዲን ተ ወምን ክለ እርትርየ ወእት ደዋዬሕ ነቅፈ ለህለየ መዳይን ክም ከረ አፍባበት ደረሰ መጽእው። ብዕድመ ምን ምግባይት መዳርሰ ወግሬት ወነቅፈ ደረሰ ለሐልፎ እተ። ከእት ክም እለ ሓሰት እሉ። ምን መድረሰትክ አወላይ እንዴ ፈገርክ ከመጸእኩ። እግል ትሐውን ኢትሐዜ። ስምክ እግል ትትረፈዕ ላሊ ወአምዕል ተሐፍዝ። መድረሰት አሳሰ ተሐዜ ወረኣሰ ሕድ ትትአክብ ሰበት ገበኣት።

ሰአል፡ ሳወ ከአፎ ትሸረሐ?

በሊሴ፡ ሳወ፡ አካን ድራሰት፣ ምህንት፣ ወጠንዮት፣ ወተርብየት ሸባብ ቱ። ምን በዲርክ እግል ትዳሌ ዐልከ ምን ገብኢ ቀላል ቱ። እት ሳወ አወል ድራሰትክ እብ ዓውቱ እግል ከለሰት ወሐቆሁ ዋጅብ ክድመት ወጠን እግል አትመሞት ቱ ለትገይሰ። ከእሉም ክልኣት ጸር ምህም ወናይ ወጠንይት ሞራል ወካድም ለለአትሐዘዮም ሰበት ቶም። ዓኣላት ምን ንእሾም ውላዶም እብ ወጠንዮቶም ለሸኖ ወልትሐበኖ ወኪድመት። ፍሬ ለህብቶም ለበለዎ እንዴ ወደየ ረብዮም ምን ገብኢ። ሳወ አተላላይ ናዩ ሌግ ተ ለትገብኢ።

ሰአል፡ ወቅት እግል ዐብደልርሕማን ሚ ቱ?

በሊሴ፡ ወቅት ክም ማይ ቱ። ሐቱ ዶል ክዳካሁ ምን ገቢኢ። ካልኣይ ወቅት እግል ትለቅጡ ኢትቀድር። ሐቱ ዶል ሐቆ ሓለፍካሁ ካልእ ወቅት ኢትረክብ። የም ሐልፈት ምን ገብኢ። እት ሐዶትን ካልእ ወቅት እግል ትርከብ በታተን ኢትቀድር።

ሰአል፡ እግል ማትሪክ ለልዳለው ደረሰ ሚ ምክር ወሀብኩም?

በሊሴ፡ እት ሳወ አዳም ቅድረቱ ልትፈናቱ። ምንክ ለለሐምቆ አው ለፈድቦ ህለው። ምን ምንክ ለፈድቦ ድረሰ ወእግለ ምንክ ለለሐምቆ ሰዴ። ቅደረትክ አምር። ስታት አፍግር። ለአተአምረ ሰአል፡ እት እምተሓን ሸቀላት አብዋር። ለተአምረ ሰአል እብ ሰባተት ወተርኪዝ ብለሰ። ክሉ እለ ዶል ትወዴ ፍሬ ለህበትክ ኢትሰእን ወምን ትዕስ ትድሕን። ብዕድ ሳወ ናይ ሕበር ጠሾ ቱ። ናይ ሕበር ካድም ተአደርሰኩ። ናይ ሕበር ካድም ህዬ ምን ናይ አር በኑ ለሐይሰ ወለዐውት።

ሰአል፡ እት ክለየት ዕሉም ዓፍየት አሰመረ እብ ዕመማይ ናይ ሕክምን ብሐላት (clinical laboratory science) ቱ ለትከርጅኩ እብ ሰበት እለ ምህንት ወሐዶት ኩልየት ሚ ትብለን?

በሊሴ፡ እት እድንዮ ዲመ



ጅግረ ህሌት። እት ፍንጌ አዳም ሌጠ እንዴ ኢገብኢ እት ፍንጌ ሕዋናትመ ጅግረ ህሌት። እት ሐዶት እግል ትትወወት ወምራድክ ወምራድ ገቢልክ ተአትምም ትሩድ ካድም ለአትሐዜ። ለኢሐረ ሐሪር ኢሉብሰ። ለኢለህባመ ምን አርዘቅ እድንዮ ኢልትሐረብ። ከእት ክልየትመ ሐቱ ንቅጠት ለሰም ደረሰ ምሰሎም ቱ ለደርሰ። እት ክም እለ ሓሰት ህዬ ምን ሐልፈ መራሕል ወለዐል እግል ትክደም ለአትሐዜኩ። ለሐሰት ንቅጠት እግል ትርከብ። እት ክልየት እግል ትትፋገዕ ትቀድር ላኪን እግል ልብዘሕ አለሰ።

አነ ተዐብቡ እግል ዓርፍ ቱ። ዐጂ ትሰፍለልኮ እግል እሳፍር ቱ። ለበዘሐ ወቅት እግል እሰከብ ወእትሃጅክ ቱ ለልብል አፍካር እግል ተአብደዮ ብኩ። መለሀይክ ክታብ እግል ልግባእ ቡ። እት ክልየት ሐክ ምን ቱ? ክታብ! መለሀይክ ምንቱ ካታብ! አቡክ ምን ቱ። ክታብ! ሀደፍክ እግል ትብጸሕ። ነፍሰኩ። ዓኣለትክ ወወጠንክ ገጽ ቀደም እግል ተአብል።

ድራሰት ክልየት ክብድት ተ ወመትሃማል አለብ። ንቅጠትክ ክሉ ወቅት ሰኔት እግል ልግባእ ለአትሐዜኩ። ክሰሳን እት አዋላይት ሰነት በህለት ፍሬሽ መረ እግል ትትሓፈዝ ብኩ። አነ ህዬ እት ክልየት ዕሉም ዓፍየት አሰመረ። እብ ደረጃት ዲግሪ ወለትወቀላት ንቅጠት። እብ ዕልም ዕመማይ ብሕሰ ሕክምን ትከረጅኩ። አለሐምድ ልላህ።

ሰአል፡ እግል ነኣይሽ ክልየት እንዴ ከለሰው እት ሸቅል ልትፈረር ለህለው ደረሰ ሚ ወቱልኩም?

በሊሴ፡ ክል ዶል እት ሸቅል እት ትትወዘዕ። ለቀዳመክ እቱ ጸነሐ አንፋር ሰዱኩ። መክሩክ ወገቢይ ለአርአክ ኩብዮሕ ክቡድ ኢኮን። ላኪን ለእት ክልየት እብ በህል(the-

ory) አው ሕዳድ ፍዕል ተአምሩ ለዐልክ እብ ፋዬሕ ወለትፈናተ ርእየት ሰበት ትረክብ። ምተሐትክ ልግባእ ወምላዕልክ ምንላ ህለው ወእት ሸቅል ለጸነሐውክ አንፋር እግል ትድረሰ ለአትሐዜ። እትለ ወቅት እለ እት ቀበት ሸባብቱ አቲ ለህሌኩ። አደብክ ዕላመትክ ቱ። እግል ሸባብክ ሸረፍ ሀብ። እብ እምነት ወእማነት እግል ትክደም ለአትሐዜ። ሸባብ እርትርየ እትለ እግል ልብጸሕ አላፍ ሹሀደእ ደፈዕ። እለ የም እንተ ራፍዐ ለህሌክ ምህንት አው መሰሉልየት ቀደምካመ ብዘሓም ረፈዐወ ከሐልፈው። እንታመ ዋጅብክ እንዴ አግዴክ እተ መጸኦ አጅያል እግል ተሓልፈ ብክ እብል።

ሰአል፡ እግል ሸባብ ለትብለ ምክር ምን ተህሌ?

በሊሴ፡ ሻብ ክሉ ልትጸበርም፣ ዋልዳን፣ ውላድ፣ ሸባብ ወደውለት። እብ ፈሀምኩ። ዕልምኩ። ቅወትኩ። ምህንትክ እግል ትሳዕዶም ለአሰትህል። እትለ ደረጃት ሰበት አብጸሐውኩ። እግል ሸባብክ ወደውለትክ ህዬ እግል ትክደምም ወተሐምዶም ለአትሐዜ። ፈኮም ቃሊ ቱ። ላሊ ወአምዕል ክደሞ፣ ዴነ ንፍዴ፣ እግል ንፍደዩ ቀደርኒ ምን ገብኢ እብሎም።

ሰአል፡ እግል ተሐምዶም ለተሐዜ አንፋር ምን ለህሉ?

በሊሴ፡ እግል ዋልዳንዬ፣ መሳኒቼ፣ ሐውዬ ወሐዋቼ፣ መደርሰንዬ፣ ሸባብኩ ወሕኩመቼ ሐምድ።

ሰአል፡ እት አክር እግል ቲባለ ለተሐዜ ምን ተህሌ?

በሊሴ፡ ለትብብር ልትወጡ ወለ ለህበ ፍሬ ለህበቱ ረክብ። ለእለ ተሐዜ ህሌክ ደረጃት ወሐጃት እንዴ ተዐብክ ሰበት ትትረከብ። ሸባብ ላሊ ወአምዕል ንክደም እብሎም። ሰአል፡ ሹክረን! በሊሴ፡ ዐፍወን! አናመ እበ ለሀብኩኒ በክት ሐምድ።

ሐዘን ወግርመት (4ይ ክፈል)

ኪትባይ = ያሱናሪ
ተርጀመት = የሰፍ እድራሽ አሜር

መደወኖታት አክር ሰነት

እሊ ቀደም ዕስረ ወአርበዕ ሰነት ለጀራቲ፣ ኡኪ አዜ ወድ ሕምሰ ወሐምሰ ሰነት ሀለ ወኡቲኩመ ወለት አርበዕ ሰነት ትገብእ።

ኡኪ ምን ሐ'ማም ፋግር ዐለ። እተ ቁርፈቲ ለዐለ ራዲ ዶል ፈትሐ። ክዩቶ እለ አምዕል እለ ጠበቀት ከፊፊት ናይ በረድ ግልብብተ ክም አጽበሐት አመረ። ወክመ ለእርሳዳት ለጀውዮት ለዋገመቲ፣ አያምላ ዓያድለ አክር ሰነት። አውል ሸበህ እት እንቲ እግል ልዋሰል ክምቲ አመረ።

ኡኪ ምን ፍጡር እተ ቁርፈቲ እት እንቲ ቡን ወሐበት ባኒ ሕፋን ሌጠ እተን በዋረ። ከዲብ ዐረብየት እንዴ ትጸዕነ ምን ፍንዳቅ ፈግረ። የም እት ኦቲኩ እንዴ ጌሰ እግል ልርአዶ ለቀርር እበ ሐለት ሰኣኑ። እት ደንገበ ላኪን ቀረረ። ሚወዴ

ፋንቲይ ሸክል ለጸብጠ መሰል ዐለ። ደብር አራሽ እበ ናይ አማን ሸክሎቲ እት ቀደም ኡኪ በዋር ለዐለ። ላመ ነሀር እተ ሐንቲህ። ንጹፋይ ከፊፋይ ወሕብኩ ሶታይ መሰል ዐለ። ወምን ሐረሰ ኬን ህዩ። ቃሎትለ ክርን ለዕጩይ ለእተ ዐረባት ልትደነክ ዐለ ትትሰመዕ ዐለት። ምን ነሀር እንዴ አትፋገረው ኩወናሙ ዐለው። እምበል ሸክ ለኡም እት እለ አካን ለለአመጸአም ጋር። ደብር አራሽ እት ቀደምላ ነሀር እብ ብጣሩ ጋብእ እት እንቲ እግል ልዕፈው ሰበት ሐዘውቲ። እተ ወቅት ለሀይ ላኪን ለደብር እት ሐንቲ ጽላል ዐለ። ሸክትለ ለዓ'ለ ነሀር ለዐለ መዋቅልቲ ሌጣ ተን ለጸሓይ ትትከሬ ዲበን ለዐለት።

ኡኪ እት አካን ሃድአት እብ በይኑ እግል ልትጸበሕ ሰተተ። እተ ምጽአቲ ለቀዳሚት አካን ክልኦት መዋዕም አምር ዐለ። ላኪን ባብለ ኦርቶም ቁሩብለ ኩብሪ ለዐለ ድቡእ ዐለ። ወላመ መዋዕም ዲብ እለ



ክም ሀለ ወለ ሐቲመ ዳሊ ይዐለ። አሰክ ደብር “አራሽ” አተጀህ። እተ ዐረብየቲ እት እንቲ እብ አንክር ቅብለት ወምውዳቅ ጸሓይ ለዐለየ አድብር። ጸሓይ ግልብብተን እት እንተ ረአየን። ለአድብር ለብዕዳት ላኪን እት ሐንቲ ጽላል ዐለየ። ወለ ሀይአተን እትአምራት ብርድ አውል ክዩቶ ዐለት። ለእንጭርሓይላ ጸሓይ እተ ረአሰለ አድብር ለዐለ እት ልብህት ወእት ሕብር ቢጫይ እት ልትበደል ገይሰ ዐለ። ከለወቅት ማሰ ምድር ለሀለ መሰል ዐለ።ኡኪ እት ኩብሪ “ቶጂትሶ” ዶል በጽሐ። ምን ዐረብየት ትከረ። ላኪን በደል ልትዐደዩ። እበ ገበየት ለመጦርለ ነሀር ዐለት ሸክት ሙንተዘህ “ካምያመ” አተጀህ።

የም ሰላሳ ዲሰምበር ድቡእ ዐለ። ኡም አሰክ እለ አካን እብ ብራቀ እግል ልትዐብ ቡዙሕ እት ጸብሬ ለለአቲ ጋር ኢኮን። ኡኪ ለመዋዕም ለኡካሻይ፣ ለእብ ናይ በዲር ገበይ ለትሸቀ ወእተ ረአሰለ ነሀር ለሀለ ህዩ ድቡእ ለሀሌ ገብእ መፋትሕ እት ልብል። እብ ምልህሁ ገጹ ቀደም አሴረረ። ላኪን ጸብሐ እት ደብር አራሽ እግል ልብለዕ ለጀ'ብሩ ጋር ኢዐለ እሉ። እበ ሰላልምላ እበን ለቀዳመት ገጹ ለዐል እት ፈግር። ሐቲ ሸንብራሰት ዘባይንለ መዋዕም ኩሎም አሰክ ክዩቶ ክም ጌሰው ሐበረቲ። ወአቲ ከልኦቲ። ዲብ እለ መዋዕም እለ ግጠዕ ዐባዩ ኩብብ ናይ “መርዓት ሽዘራን” ምንመ በልዕ አክል አዩ ሰኖታት ገብእ ሓልፋት ዐለየ - ምስል ሸንርሕ ሰመክ ቲን ባሸላት ዐለየ - ውእሊ ህዩ ወቅተንቲ ዐለ? ኡኪ እበ ሰጋድቲት መጦርለ ነሀር ገጹ ተሐት እት ልትከሬ። እሴት ድግላሌት እግል

ሰላልምላ እበን ለአሰክለ እተ ጀፈሩ ለዐለ መዋዕም ለፈግረ እት ከሰትር ረአየ። “ቀጠፍ ቁቀብ ያብሰ” ቤ። ለእሴት ህዩ ለሰኣሉ እቲ እት በልሰ ክምእነ ቴሉቲ። ለመዋዕም ፍቲሕ ዐለ መሰለ ዐለ። ኡኪ መዳተት እት መጦረ በዋር እንዴ ዐለ። ለአካን ሃድአት ክም ዐለት ልብ ከረ ዲቤ። ለድግላሊት ህዩ ክምእነ እት ትብል በልሰት ዲቤ።

- አማንካቲ። እተ መዐደይለ ነሀር ለሀለ ኡም ክርንቲ ዋድሐት ዲብ እንተ እግል ትሰመዕ ትቀድር።

እተ ሐንሰ ዕጩይ ሕቡዕ ለዐለ መዋዕም። ለሰግፋ እብ ሰዐር ገዲም ግልብብ ዐለ። ለሰዐር ሰኒ ቡዙሕ ወዋሉል ዐለ። ለምእታዩ ህዩ ጨባብ ሰበት ዐለት ምእታይ ብእቲመ መሰል የዐለ። ወእተ ቀደሚሁ “ሐባት ኬዘራን” ዐለየ። አርበዕ ተን መሐምሰ ዕጫት ነርዳት ግሩማት ለአቅሹነት እተ እንክር ለአርት ናይለ ሰግፍለ መዋዕም ዳትናት ዐለየ። ኡኪ እተ ቃዕት ለእብ ገበይ ያባንዮት ሸቂት አተ። ለመዋዕም ምን ኡም እብ ለሃሁ ለሀለ መሰል ዐለ። እት ቀደምላ ቀራይርለ ቤባን ለእበ መሸላህተን፣ ቀይሐት ርሱማት ናይ ዕጩይ ዕነብ ልትረኤ ዐለ። እምበልሁመ ኡኪ ዕጩት ናይ ባዶብ ረአ። ለዕጩት ወቅት ኢኮን ለዲቡ ባቅለት ዐለት። ዕጩይላ ኬዘራን ወለ ነረድ እግል ኢልርኤ ገበይ ከልኦቲ። ላኪን ምን ሐርሰለ ቀጠፈ እግል መራት ለቁሪት ወማየ ሳሬ ሃድአት እት እንተ እግል ልፈርገ ቀድረ። ደብር አራሽመ እበ ሀዳኦቲ እግል እለ መራት እለ መሰል ዐለ። ኡኪ እበ ምንክቡ ዲበ ንኢሸ ሞሻትለ እሳት ለእሳት ቃርሐት እተ ዐልት ተንክቤ። ሰፊረት እት ተሐሌ ሰምዐ። ቃሎትለ ክርንለ ዕጩይ ለእተ ዐረባት ልትጸዕን ዐላመ ምን ቃብል ትትሰመዕ ዐለት። ሐቆ መደቲት ህዩ። ምን እብ አንክር ምውዳቅ ጸሓይ ለዐለ አድብር። ለባቡር እተ ገሌርየት እት ለአቲ አውመ እት ፈግር ወድዮ ለዐለ ክርን። ትርድት ቃሎት እት ተአትዕሬ ሰምዐየ። እለ ቃሎት እለ ህዩ ክፊንቲት ማይተት ናይ አዜ ልትወለድ ለሀለ ጀኔታይ አትፋቀድቲ። አቲኩ ወለት ዐሰር ሰቡዕ ሰነት ዐለት። ቀደም እዋን ወልደት። እት ሳምናይ ወርሐ ዐለት ወሌተት ትበከረት።

ለወሌተት እግል ለአድሐት ኢቀድረው። አቲኩ ለወሌተተ እተ ባክ ኢረኤተ። ለወሌተት ዶል ሸፍዐት። ለሐኪም እግል ኡኪ ክምእነ ቤለዩ። “ምን ረአዩ ለከበር እግል ነሀይ። አሰክ ምን ሰነት ትፈዘዕ ምን ንትጸበረ ለሐይሱ።”

እም አቲኩመ እምበል ሕብዕ ወሰትር ክምእነ እት ትብል ፍኒቲ ዐለት። “መንባዩ ኡኪ። እትረጃክ ህሌኮ እግል ወለትቼ ኣነ እብ ሰብብለ ህተ እት እለ ኑኡሽ ዕምረ እት እንተ ተሓልፈ ለህሌት ክርበት ሐሰብ እት ህሌኮ። እንብዕዩ በጠር እዩ ክም ኣቤት። ምን ፈድለክ አሰእለ” ብህለቲ ዐለት።

ከባብ ክደብ ወድ ዐጂን ቱ

ዎርት እናስ ግንዳብ ወሰኒ ለቤብ እተ ግንራራብለ መሓዝ ትገሰ። ወእግለ ግርመትለ ድዋራቲ እት ልትፈክር ህተምተም ልብል ዐለ። አመተ አለቡ ዐርቀብ ዲብለ ማይ እት ወድቅ ረአ። ለዐርቀብ ረሐ ምን ተሪቅ እግል ተአድሕን እት ተሀላፍት ረአየ። ለእናስ ህዩ እግል ለአድሕን ሰበት ሰተተ እዳህ መደ እለ። ህተ ህዩ ገሕ እብ ንክሸት አበለቲ።

ለእናስ ምን ክትርለ መጸጸት አፋ እት ልግዕር እዳህ ብግበጠ። ምናተ መደቲት እንዴ ኢተሐልፍ አዜመ እግል ለአድሕን እዳህ መደ እለ። ህታመ ምን ሐዲስ ጨብ አበለቲ። አዜመ ጽርሓት እት ለሀይብ እዳህ አከቤ። ሐቆ መደቲት አዜመ እግል ሳልሰ ዶሉ እግል ለአድሕን ጀረበ።

እተ ቁሩባዩ ነፈር አርት ግሱይ ዐለ። ወእግለ ሸቅሎ ትም እት ልብል ራቅቡ እንዴ ዐለ ክም እለ ቤለዩ። “እንተ እናስ ከአፎ ትረክብ ህሌከ። ለቀዳሚትክ ምን ኢከፊተክ ላመ ሓሪት ኢመሀረተክ። ከአዜመ እግል ሳልሰ ዶልክ እግል ተአድሕን እዳክ ትመዋየ ህሌክ?”

እለ ለቤብ ለግንዳብ ህግያለ እናስ ሕሰርመ ኢወደ ዲቤ። ለጀርቤታቲ አሰክ ልትዐውት ኡተላለዩ ወእግለ ዐርቀብ ምን ማይ አፍገረየ ከአድሐነዩ። ሐቆ እለ አሰክለ እናስ እንዴ አተጀህ እተ ፎቃዩ እንዴ ጠብጠቤ ክምእለ ቤለዩ። “ስምዕኒ ወልዩ። ዐርቀብ እብ ጠቢዐተ ምን ደለ ቀርባየ ትንዘዕ። ምናተ ኣነ ጠቢዐቼ ረሕመት ወሐናነት ተ። ከእግልሚቲ እንተ ለጠቢዐትለ ዐርቀብ እትለ ጠቢዐቹ እግል ትትዐውት ትሐዜኒ ለህሌክ?”

ምን እለ ሓድሰት እለ ለንትዐለሙ ጋር። ውላድ ሚን ኣደም ለእለ አከው እትከ ምን ለአኩ እትከ ወለእለ አምጸጸወክ ምን ለአመጽኩ። እንተ እብ ናይ ኖሰክ ጠቢዐተ ተዓመሎም ወታለዮም እት ኢኮን። እበ ጠባይዮም ኢተዓምሎም። ወእሎም ለምን ቅብላት ፍላን እለ ሰኔትክ ኢለአሰትህለ ኬን ብሉ ምንክ ለልብሉኩ ወለ ሰኒ አደብክ እግል ለአጠልቁክ ተሐት ወለዐል ለልብሎ ብዙሕ ባልክ ኢተሀሪም ወኢትሰመዮም።



ተበርኅህ እለመ ኢሐሰ



ጀሐ እሴቲ ሞተት ምን። ብዙሕ ላቲ ኢተአሰፈ ዲቤ። ሐቆ ገሌ አምዳላት አድጉ ምን ሞተ። ሰኒ ሐዘን ወትረበሽ ወአሻይር ህም ወቀም ትረኣ ዲቤ። ገሌ ምሳኒቲ እለ ምን ረአው ክምእለ ቤለው። “እለ እንተ ዐጂብ እንተ። ቀደም እለ እሴትክ ምን ሞተት ዐደድ እለ ለአዜ ዲብ ሞት እለ አድግክ ለሐዘንካህ ወተአሰፍካህ ደረጀት ኢበጸሕክ ዲቤ። ከደሐንካቲ ሚ ጀሬት እትክ? እት ልብሎ ትሰለለው።

ህቲ ህዩ ክም እለ እት ልብል በልሰ ዲባም። “አምዕል ለእሴቼ ሞተተ። ለገወውርዬ እንዴ መጸወኒ አብሸርክ ኢትትአሰፍ ምን ለተሐይሰ እሴት እግል ነአትህዳካ ቲ ቤለውኒ። ወገለድ በአው እግልዬ። ምናተ ለአድግዬ ዶል ሞተ እብ ክምሰልህ ገበይ እግል ልሰጀዕኒ ወለአትራሰዕኒ እንዴ ቤለ ለሸቤኒ ነፈር ዎርትመ ይህለ። ኩብዙሕ ምን እትአሰፍ ወሐዘን እት ገበዩ ህሌኮ ኢመሰለኩም?” ቤለዮም።



ፊን ወግዳት

መሐመድ ዳፍለ



መግቢያ



ዲብ ሐቲ ዐድ ምርት ጀጊን ለልትባህል እናስ ግሁፍ ነብር ዐለ። ዲመ ልትአንገድ ወእግል ማል ጸሩ ጀግሐ። ዲብ ሐቲ ኣካን ኣዳም ጅመዕ ሐቆ ረአ ነብረ በል። ህለው እንዴ ቤላ። እት ልሰዔ ክምም ገብእ ዲዎም። በል። ጸንሐው ምንገብእ ልትባህል ምስሎም። ዲብ ሸቁል ብዕድ ሐቆ ህለው ህዩ ገደሰ ምናም።

ጀጊን ዐዳ ሓግል ይዐለ። ኣቡሁ ግረህ ወንዋይ ዐለ እግሉ። ክምሰል ሞተ ለማል እግል እሊ መአንገይ እናስ ተርፋ። ጀጊን እብ መግቢያ ነብረ ትክፍዩ ይዐለት። ዲብ ምርት ውኅን ርብዒት ምን እክል ወወሙር ምልእት ምን ሐሊብ ነሰለ ዐለ። እነ ሰገ ለብዲብ ኣካን ቃብል ልትመዩ ምን ኢነብረ። ዲብ ድን ህዳይ ኣው ኣውድ ሐቆ ለህሌ ጀጊን ሰልፍ ክሉ ለሐድር። በዐል ኣከይ ዐገል ሰበት ዐለ እንዴ ኢክጅል ምሰል ሕሹማም ወሰብ ገጽ ልትባህል። እንዴ ተአሰፊው ኣዝመው ምን ምንገብእ ለትብረ እምበል ተረት ደረብብ ወድዮ ምናም።

ሰብል ድን ክሉ እብ ጀጊን ለህድግ። ኣጀጊት ነኣይሸ ወሸግባት ዲብ መካይድ ጀጊን ልትሰሐቆ። ህቲ ላኪን እምበል ህም ነብረ ብዕድ ሴመ ይዐለ እግሉ። ምሴ ወፊጅር እንዴ ልትአንገድ ወኣካን ነብረ እንዴ ለኣትቃምት ንዋዩ መውዕላይ እንዴ ኢረክበ ዲብ ከደን በደ። ገርህቲ-መ ሰበት ኢልሐርሰ መዓል ንዋይ ገብእት። ጀጊን እሊ ክሉ ኢክሰሱ። ለኢተዐበ ዲብ ነብረ ሰበት ረክብ ሕሰር ንዋዩ ወገርህቲ ኢወደ። መደት ሐቲ ሸግባት ናይላ ዐድ እብ መዋዲት ጀጊን ሰኒ ሐርቀው። እሊ ሚ እናሱቲ። እግልሚ ልትአንገድ። ኣፎ ማል ናሱ ኢልኣውዕል። እንዴ ቤለው እግል ለአፍሁሙ ጀረበው። ኣጭበበው ዲብ ወኣትፋርህው። ጀጊን ኢትክብተዮም። እንዴ ልሰሐቆ ዲዎም። “ሰምዑኒ ኣነ ዛር ብዬ። ደዮፍኩኒ ምንዲ ገብእ እንግዳት ኣዝም ምን” ቤለዮም ለሸግባት ዲብ ኣካን ትልህዩ

ለሸግባት ጀጊን “ሕላዮት በል ለትርይሐክ ሰሚ እግል” ክምሰል ቤለው እንዴ ኢነቅም ሰሰዒቲ ኣተላላ። ለሸግባት እሊ ወዱ ትቀዌት ዲዎም። ህቶም እንዴ ለሐሉ ወጀጊን እንዴ ሰሰዕ። ምርት ምን ውላድላ ርብዕት “የሀው ኣዜ ንደረር ለሰገ ብሹል ህለ” ቤላ። (ርብዕት መሐበር ኣው ጅምዕዮት ናይ ሸግባት ተ። ናይ ናሰ ቀዋሪን ወእሱል ህለ እግሉ። ውላድ ርብዕት ማል እንዴ ኣትፋገረው። ለትፈናተ ክሰሪት ወዱ።) ጀጊን ለሰገ ክምሰል ሰምዐ እንዴ ትሸክቅ ዲብ ምድር ወድቀ። ለሸግባት ሰኒ ደንገጸው። እናስ ትሸክቅ የለ ዝበሞ እግሉ። ኣዜ ሕላዮት እግል ለአፍግር ቲ። እንዴ ቤለው ከበርታት ጃም ኣበለው እግሉ። ህቲ እንዴ ሰሰዕ ሕላዮት ኣንበተ። ለሕላዮቲ ክእነ ትብል።

ኣነ ዛርዬ ዛር ነብራቲ
ዛር ሐሊብ ወሰጋቲ
ኣነ ዛርዬ ዛር ነብራቲ
በሃርም ወለ ቃባቲ
ኣነ ዛርዬ ዛር ነብራቲ
መጢቅ ለእብ ለምዶቲ
እሊ ሰገ ሰራሰር ገድክ ትገብእ
ባኮቲ
ሐኩም ሸቅል ኢፈቲ። እምበል
እሊ ኣርወሐቲ
ለሸግባት መረ ትፈክረው። እሊ



ሰበት ዐለው። ሰኒ እንደይፈክ እንዴ በሌው “የለ ኣውኪራት ጀጊን ግሁፍ ከበር ዝበሞ እግሉ” ቤለው። ጀጊን ብላይ እንዴ ከረ ዲብ ከተይ እብ ሰሰዒት ወደ። መንደሊታት እብ ሕበር እት ለአግቅዖ ወክበር እት ዘብሞ ኣንበተው። ዲብ ዓዳት ዛር ለቡ ነፈር ናሱ ለትረይሐ ሕላዮት እንዴ ኣፍገረ ለኣነብተ። ለመደይፈት ህዩ እንዴ ትክብተው ምን ለሐልወ እግሉ። ኣሰክ ዛሩ ፈግር ህዩ ሰሰዕ። ጀጊን እምበል ሰሰዒት ሕላዮት ኣፍጋር ኣሎ። ማን ወድገላብ ተህላብእ።

ልተልሂ ዲብ ህለ። ኣዜ ህዩ ለኢደፍዐ ዲብ ሰገ እግል ልብለዕ ለሐዜ ህለ እንዴ ቤለው። እት ሰሰዕ እብ ሞረ ጠነብብ ወደው። “ግረ እሊ ናሰክ እንዴ ሸቁክ ሐቆ ኢትደረርክ ሰሚትክ እንከሬ” እንዴ ቤለው ምን ሐረት ትጻገው። ጀጊን ድንገጽ ዲብ እንቲ ክባባይ ገብእ ምናም። ምናተ እግል ኢልሸቁ ህት ዲብ ዐጭሙ ሰብቀት። እግል ኢልትገሌ ህዩ ከብድ ነብረ ሐዜት። እሊ ወዱ ትቀዌት ዲብ። ኣዳም ክሉ ሰበት ኣመረዮ ደለ እግል ልትአንገዱ መጸኣዩ ገጽ ጸለም እቡ ትክብተዮ።

ጀጊን መንበረት ክምሰል መረት ዲብ ድን ብዕድ እግል ልትአንገድ ሰተተ። ለድን ምን ዐዳ ገበይ ክልኤ ኣምዕል ገብእ። በዐል- ገበይ እንዴ ትመሰለ ዲብ ድን ገንግኣ። ምን ድን እት ምርት ዐድ ክምሰል መጽኢ። እብ ሕሸመት እንዴ ትክብተው። ቡን ኣጅመደው እግሉ ወሐርደው እግሉ። ሰኒ ትረይሐ። ዐድ በኪት ረክብኩ ቤላ። ዲብ እሊ ድን እንዴ ልትናክሱ። ኣምዒላት ክምሰል ወደ ለኣዳም መአንግዳይ ክምሰልቲ እግል ልትሸክኩ ኣንበተ። ክምሰለ ኣደም ሰልፋ ሕሸመት ኢረክበ። ኣምዕል ሐቲ ጀጊን ክምሰለ ኣመሉ ዐስር ለገብኦ ኣንፋር ምርት ዐስከሪ እንዴ ጌልሎም ክምሰል ረአዮም። እሉም ኣንፋር እሉም ኣካን ዐዘመት ገይሶ ህለው እንዴ ቤላ። ትሓበረ ዲዎም። ምስሎም እንዴ ልትጌለል ዲብ ቤት መልክ ናይላ ድን በጽሐው። ለዐስከር ዲብ ኣፍላ ቤት እንዴ ኣብጠረዮም “ኣህ መንባካ ለጅማዕት ኣምጽኣክምም” ቤለዮ። ለመልክ እት ለሐማሕም “ኣነ ዐስር ነፈር ቶም እቤለክ ማሚ። ህቶም ላኪን ዐስር ኣሮ ጋብኣም ህለው። እሊ ነፈር እሊ ምን ኣዮ ትወሰክ?” እት ልብል ትሰለለ። “ኣይሰ መንባካ እሊ ነፈር ኣነ እሉም ጀማዕት እንዴ እጌልል ናሱ ተሐበረ ዲዎም” በልሰ ለዐስከሪ። ለመልክ ሰሓቅ ተርጀገት እንዴ ልትሰሐቆ። “የሀ ቅላደት። ም ቅላደት። ነዐ ሸፈግ እብለክ ህለኮ” ክምሰል ቤላ ቅላደት ሰይፍ እንዴ ጸብጠ ምን ዘሪበት ብርግልሽ ወደ። እሊ ደል እላ። ለኣንፋር እብ ፈርህት ኣርዐደው። ጀጊን-መ ክሉ ለቲለል ትቀው ዲብ። “የሀው። እሊ ኣካን ዐዘመት ተ ማሚ? ምድር ከኣፎ ዲብ ትክሬት? ኣነ ሓልፋይ ገበይ ኣነ። ” እት ልብል ዐንበልበለ። ለመልክ ሰኒ ጃእር ነብረ። ሞልበት ለኢደፍዐ እግሉ ወእብ ቃትን ናዩ ለኢትመርሐ ጀልፋ ዐለ። ዲብለ ረኣሰሰ ክርሲሁ እንዴ ለኣንገላግሱ። ሰመዕ እንተ ለተዐንበልብል ህለኩ። እሉም ኣንፋር ቃትን ናዩ ሰበት ረፍደው። እግል ልትቀተሉ። ኣነ ዐስከሪ ነድኣት ዲዎም። እንተ ህዩ ከለዋክ እንዴ ኣመርክ ዲዎም ተሓርኩ። ረቢ ልባርከኩ። ሕነ ኣምራምክ ይዐልኩ። ኣዜ ናሰክ ርሕክ ሐቆ ፈረድክ እግል ትትቀተል ቲ። የለ ቅላደት ክሎም ቃትሎም። ኣሰግደቶም ባትኩ። ኣዜ እብሊ ለናሱ ትሓበረ ዲዎም ኣንብት” እት ልብል ኣሰለለ።

ቅላደት ብዋረቲ ኣክል ሐርማዝ ትገብእ። ዕንታቲ ዕንታት ዕንግሌ። ፈናዲሁ ንጋረት። ዕሰሩ ቀይሕ ክምሰለ ሕክዔታይ። ድርጽ እግል ግፈት። ክለ ለግንሐቲ ኣቤክ ልርአዮ። እግል ሰይፍ ዲብ ወትውት። እንዴ ለኣክክዕ።

“ኣነ ምርት ይእሰርዕ ቀጻፍ እወዳ ደረምዕ ዓጻት ምን ቀጣኒተ እሸልዕ ሰጋድ እንዴ ነተፍት ሞት ኣከርዕ እንተ ጀጊን። ገድም ግረ እሊ ኢትነብር ሰኒን ሰጋድክ እግል እንተፍቲ እወድዩ ሕኒን።”

እት ልብል ሀሪብጠ ወኣዳፈረ።

ለብዕዳም ዐስር ነፈር። ምን ቅላደት እንዴ ፈርህው ዕንታቶም ኣቀመጨው ወሸሃደቶም ጸብጠው። ጀጊን እብ እንክሩ ሰኣዮት ባትክ ዲብ እንቲ። “ቅላደት ሐሰብኩ ዐይብኩ ኣነ ሰጋጃ ኢትቀረጭ። ሐሰብክ ለእቤለክ ውዳ እግልዬ” እት ልብል ተሐሰቡ። ቅላደት እግል ገሀረት ለመሰል ዕሰሩ እንዴ ገይጽ። “ምን እሰው እቅረጨክ? እንተ ገድም ሞት ኢተርፈክ” እት ልብል ሸንከቲ ቀርቡ። ጀጊን እንዴ ለሀቀብቅብ “ገድም ሐቆ ትምሕኒኒ ኢገኣክ ምን እሊ ከብጃ ቅረጨኒ። ሰበቡ ህዩ ከብጃ ተ ለዲብ እሊ ክሉ ነላይብ ካሬተኒ” በልሱ።

እድንዩ

(2ይ ወናይ ደንገበ ክፈል)

ኣቤ እድንዩ ሕጅብ ብእተ - ተማተመ
ወእድንዩ ልርኤ ብእተ - ለትጸገመ
እድንዩ ሕነት ብእተ - ዐልቀት ቀበት እመ
እድንዩ ታሪክ ብእተ - ለኢትደገመ
ዶል ፈርሐትተ - ወዶል ቀብር ወሸመ
እድንዩ ዘዋለት ተ - ኢትነብር ክም ግመ
ሰኣል ለበለሰ ኣለቡ - ይበ ኢትን ወይመ
እት ደጋይግ ትነሰእ - ለኣምዕል ናሰ ትቀይመ።

ፍሰት ኢትን እድንዩ - ሞይምት ክም ትክብት
ጠልዐት ዲማተ እድንዩ - ትልዔ ክም ቀበት
ፋይሐት ተ እድንዩ - ወጨባብ ክም ሾመት
ብልሕት ተ እድንዩ - ትራክዝ ክም ሾከት
ክብት ተ እድንዩ - ዐመር ትመሰል ወሐፈት
ጊመት ተ እድንዩ - ወትከርቅ ቀበት ረሰበት
ካድም ተሐዜ እድንዩ - እስትቅፋር ወቶበት

ግሊት ተ እድንዩ - ክሪት ክመ ግራብ
ወጋይሰት ተ እድንዩ - እምበል ሲፈ ወሕራብ
ራሐት ተ እድንዩ - ቀመት ወለሰካብ
ወገህይተ እድንዩ - ሰርቤብ ወዐብ
ወጨባብተ እድንዩ - ክም መሳጥር ወኣግባብ።


ብዙሕ ትርኤ እተ - ምንዲ ትገብእ ሸባብ
ኣሮ ሻጥር ትወድዩ - ለልብል ሃብሃብ
ኣሮ ቀሺም ትወድዩ - ከገብእ ኣከይ ሕባብ
ኣሮ ዲመ ትትጎዐዩ - ወተሐንዩ እት ጨባብ
ወኣሮ ኣመት ኣለበ ትነፍዙ - ወተሀርሱ ምን ሰካብ
ጋርክ ዋድዮት ህሌት ትብሉ - ኣሰክ ኣካን ዐመል ወሕሳብ።

እድንዩ የቲም ተሐድግ - እምበል ይመ ወይበ
ወእድንዩ ልገት ኣብሐርተ - ምን ቲ ሸብበ
እድንዩ ጨባብ ወሐሚርተ - ሕሩጥ እሊ ግደ
ወእድንዩ ትገይሰ ወትሰዔ - ኣሰክ ተምም ሰደ
ትሰዔ ወተኣለምቤ ኣሰክ - ትበጽሕ ሕዱደ።

ጠበሽ ትብል እት ሸፍር - ኣምዕል ለእሊ ተኣምመ
ተዐድግ ወትፈንቴ - ከትሸትፍ ምን ግመ
በኣዊት ትዘብጥ ወኣፍካክ - ለክትፈት እንዴ ተኣምመ
ነድድ ለኣምዓይት - ወከብድ ለኣልመ ጨምመ
ኣርወሐት ተሃፍት ወተዐሎብጥ - ኣሰክ ኣፍ ለሐክመ
እዋን ለእገር የብሰ ወእደይ - ምሰል ቀስነ
ኤማን ተሐዜ ወሸሃደት - ለእብ ጭፍር ቀይመ።

እዋን ለኣርወሐት ትፈግረ - ቀብር ትወዳ ወሸመ
ግድም እድንዩ ኢጠመት - ምን ኣልኣክረ ትሰልመ
ብላይ ጸዕደ ትትገልብብ - ከተኣቲ ጀፈር ግመ
ግድም ኣዜ ግረፈት - ወለዕዳይ ተመ
ኣቤ! ግረፈት - ወለዕዳይ ተመ

ኅልሕ ሐርቢ ወመሐመድ ዐሰማን ሐጃጃ



መርሃዊ ወናሆም፣ መዳልያት ነሐስ ረክበው



ፈሪቅ ውላድ



ፈሪቅ አዋልድ

ሕፋይ ፈሪቅ ዐጀላት ኤሪትሮፕ ውላድ ማሌ ለሀ ሰንበት ዐባይ፣ እት ጅግራታት ኩለ አፍሪቃ 2023፣ እብ ኦሊምፕያይ መትባድራይ መርሃዊ ቅዱስ ወናሆም ዘርአይ ክልኤ መዳልያት ነሐስ ትሰርገ።

እሊ ሰእየት ውቅል ጋብአት እቱ ለዐለ ጅግረ ጽርግዩ ውላድ፣ እት 13 ዱረት -162.5 ኪሎምትር ለትገልብብ መሳፈት እቱ እግል ልግበእ ስቱት ምንመ ዐለ፣ እብ ሰብብ መትአካር መኪነት እሰዓፍ፣ እግል ሳዐት ምን ዋጅብ ወክዱ ሰበት ተአክራ፣ ለጅግረ እት 11 ዱረት በሀለት 137.5 ኪሎምትር ሌጠ ክም ልትክሬ ገብእ።

እቱ ሰልፋይት ዱረት እብ ገብእ ህጅማት ዋለ፣ ለዐባይ መጅሙዐት እት ክልኤ ትገመዐት። እቱ መዋልያይት መጅሙዐት ነፈር ወጠንያይ ፈሪቅ ኤሪትሮፕ ዳዊት የማኔ ምስል ክልኤት መትባድራት መሬሕ ዲብ ሀለ፣ እቱ ካልአይት መጅሙዐት መሃልክያስ መልክኪ ለዐለ ዲዎም አርበዕ መትጃግረት ኤሪትሮፕ ዐለው።

እቱ ሳልሳይት ዱረት ዳዊት ለዐለ ዲብ መጅሙዐት እብ ደርብ ለዐለት መጅሙዐት ዐባይ ምንመ ትዐመመት፣ ዳዊት ላኪን፣ እብ ሐዲስ እቱ ኤርትራ ናሆም ዘርአይ ዋልየ ለዐለ ሰልፋይት መጅሙዐት እግል ልትሓበር ቀድራ። መትባድራት እት 32 ዲግሪ ሰንቲግራድ ሐፋነት ሰውጎ ሰበት ዐለው፣ ጠቢዐትመ ተሓረቡትም።

እቱ ሓምሳይት ደውረት፣ ዳዊት ለዐለ ዲብ መጅሙዐት ምን ሐምስ መትባድራት እት ሰማን ትወቀለት። እሊ መርሃዊ ቅዱስ ለዐለ ዲብ ሐምስ መትባድራት ሓቅፈት ለዐለት መጅሙዐት ናይ

ደቂቀት ወ28 ካልኢት፣ እግል መጅሙዐት ለዐባይ ህይ፣ ናይ ዝያድ ሰለስ ደቂቀት ወቅት እቱ ሓድገተ ዐለት።

ምስል እሊ መጅሙዐቱ እግል ለአተላሌ ለኢሐዘ መርሃዊ፣ እብ ማርሓይት መጅሙዐት እግል ለዐሬ ለወደዩ ጸገም ሰኔ ለረዬሕ ዐለ። እት ታሰዓይት ዱረት ህይ ተሓበረ ዲብ። እቱ ሰልፋይት መጅሙዐት ህይ ዳዊት፣ መርሃዊ፣ ወድ አልጃርየ ዕዘዲን ላጋብ፣ ክምስልሁመ ወድ ግብለት አፍሪቃ ወወድ ማውራታንዩ መርሐ ዐለው። ምስል መጅሙዐት ለዐባይ ለዐለ ማልክያስ ማእከሌ ላኪን፣ በክቱ አከ ከወዲቅ ሳደፊዩ።

እት ደንጎበ ህይ፣ ወድ ማውራታንዩ አሌክሳንደር ማየር እብ ሾላተ ዕወት ናይ ጅግራሊ ምዕል ገብእ። ወድ ግብለት አፍሪቃ ዲሎን ጌሪ ወኤርትሪ መርሃዊ ቅዱስ ህይ፣ መዳልያት ነሐስ ወአስራዚ ገብአው። እምበል እሊ መ ዳዊት የማኔ ሓምሳይ፣ ናሆም ዘርአይ ሳብዓይ፣ አክሊሉ አረፋይኔ 16ይ፣ ማልክያስ ማእከሌ ወሄኖክ ምሉእብርሃን ህይ፣ ደርብ ሕድ 53 ወ54 ትረተብው። ናሆም ዘርአይ ህይ፣ እት ምንተሐት 23 ሰነት ሸባን መዳልያት ነሐስ ረክበ።

እሊ ክእነ ዲብ እንቱ፣ ሄኖክ ምሉእብርሃን ወአክሊሉ አረፋይኔ፣ ምን ነዋዲሆም ሊከ ሰበት መጽአቶም፣ አስክ አካናቶም ክም ጌሰው ወካይል ወኪል እዕላም እርትርየ ምን አክረ ሐበረ።

ሰበት እሊ፣ ወጠንያይ ፈሪቅ ዐጀላት፣ ታርፋ ለሀለ ትልህያታት እብ አርበዕ መትባድራት በሀለት መርሃዊ ቅዱስ፣ ዳዊት የማኔ፣

ናሆም ዘርአይ ወሚልክያስ ማእከሌ ሌጠ እግል ልትጃገር ቱ። አስክ እሊ ፈሪቅ ዐጀላት ኤሪትሮፕ፣ እትሊ ጅግረ አርበዕ መዳልያት እብን ዕወት ሀለ።

ሕፋይ ፈሪቅ ዐጀላት ኤሪትራ፣ የም አርበዕ እቱ ናይ ፍሪቅ ናይ ወቅት ጅግረ ክሮኖሜትር እብ አዋልድ ወውላድ እግል ልሻርክ ቱ።

እምበል እሊ መ፣ እት 13ይ ጅግራታት ኩለ አፍሪቃ ሻርክ ለሀለ ሕፋይ ፈሪቅ ዐጀላት ኤሪትሮፕ ለሐልፊት ሰንበት ንኢሸ 9 ምርስመ ሰልፋይ ጅግራሁ እት አክረ ዓሲመት ጋና እብ አዋልድ ዋዲ ዐለ።

ወጠንያይ ፈሪቅ ዐጀላት፣ ማሌ-ለሀ ቀዳሚት እብ አዋልድ እብ ናይ ጽርግዩ ጅግራቱ ለአንበተ። እትሊ ጅግረ መደርብለ ፈሪቅ አሰይድ የኖስ ዘካርያሱ ምን ሻርክ ለሀለየ 6 መትባድራት ዐጀላት አዋልድ፣ አድያም ዳዊት፣ ቅሳነት ወልደሚካኤል፣ ሞናሊዛ አርአያ ወሰዛና ፍሰሃይ ቱ እግል ለአትባድር ለሐረ። እትሊ ጅግረ መትባድራት 100 ኪሎምትር መሳፈት እግል ልገልብበ። 12.5 ኪሎምትር ዱረት ለበ አካነት፣ ሰማን ኢነት እግል ልክለላህ ዐለ እግለን።

እት ሰልፋይት ዱረት ናይለ ጅግረ አንፋር ወጠንያይ ፈሪቅ አዋልድ አድያም ዳዊት ወቅሳነት ወልደሚካኤል ወድቀየ። ላኪን ጅህድ ትፋድ ምንመ ጠልበ ምን፣ እግል መጅሙዐት ለዐባይ አገድ ዐረየ እብ።

መትባድራት ዐጀላት ናይጃርየ ወማውራሽስ ትሉሉይ መሊጭ ጃርብ እቱ ለዐለየ ትልህየ፣ ፈሪቅ ዐጀላት ኤሪትሮፕ እት ዋልየን፣ እት ሓበርትለ ፍሪቅ ዶር ሰኔ ክም ተልህየ ቶም ወካይል ውዛረት እዕላም ለሐበረው።

ትልህየ 50 ኪሎምትር ክም ነሰለየ ምን፣ አዋልድ ግብለት አፍሪቃ መትባድራት ዐጀላት ማርሐት እንዴ ተአልበጠየ፣ እግል ትልህየ ሸፋገት እት ወስካህ፣ መትባድራት ናይ ለትፈናተየ ድወል አረይ እግል ልግበእ ትቀሰቦ።

አርበዒተን መትባድራት ኤሪትሮፕ ላኪን ምን ዘነብ ናይለ አዋልድ ግብለት አፍሪቃ ተሪፍ አበየ። ለሓልፋት ዐለየ መጃሚዕ፣ እግል ለዐርየ አድያም ዳዊት እት ዋልየን አስክ ሳድስ ዱረት ዶር ሰኔ አውራት።

መትባድራት 78.5 ኪሎምትር ክም በጽሐየ፣ ሐቱ ምን ፈዳብያት ናይ ሾላታ መትባድራት ላተ ቅሳነት ወልደሚካኤል ዐጀላት እንዴ አኪት ምን ተርፈት። እቱ መደወን ደንጎበ ህይ ወለት ግብለት አፍሪቃ ፕሪን ሃይሊ አወላይት ተዐወተት። አድያም ዳዊት ህይ ሳብዓይት እንዴ ገብአት አቱት።

ፕሪመር-ሊግ እት 28ይት ሳምንቱ



ለድቁብ ፍሪቅ ፕሪመርሊግ እትሊ ለሐልፊት ሰነብት ክምስልሁመ አትሂን ወአተሉት እት 28ይት ደውረቱ እንዴ ተዐደ፣ ለትፈናተ ትልህያታቱ ዋዲ ዐለ።

ገሌሁ ፍሪቅ ምድር እት ለድድ፣ ገሌሁ ላተ ንቃዎ ዲብ ጃቅፍ ወእት ሰቡረት ፍገሪት እት ሸንን ትረኡ።

እብ አሳሰለ ገብእ ትልህያታት ማንቼሰተር የናይትድ እግል ኤሸርተን 2-0፣ ምልሸስ እግል ፋልሃም 2-1፣ አርሰናል እግል ብሬንትፎርድ 2-1፣ ቶተንግም እግል አስቶንሺላ 4-0፣ ብራይተን እግል ፍቲንግም ፎሬስት 1-0፣ ክምስልሁመ ቼልሲ እግል ኒውካሰል 3-2 ቀልበምም።

እምበል እሊ መ ገሌሁ ፍሪቅ ፕሪመርሊግ፣ ሐለቱ ሕድ እንዴ ከርዐት ደርን ፋግር ዐለ። ሊሸርፑል ወማንሲቲ 1-1፣ ዌስትሃም ወበርንሊይ 2-2፣ ቦርንግሙዝ ወሼሬልድ የናይትድ ህቶም 2-2፣ ወክሪስታል ፓላስ



ወሉቶን ታውን 1-1 ፍትቲያም ህለው።

ሰቡረት ንቀዋ ፕሪመርሊግ

1, አርሰናል	64 ንቅጠት
2, ሊሸርፑል	64 ንቅጠት
3, ማንሲቲ	63 ንቅጠት
4, አስቶንሺላ	55 ንቅጠት
5, ቶተንግም	53 ንቅጠት
6, ማንዩናይትድ	47 ንቅጠት
7, ዌስትሃም	43 ንቅጠት
8, ብራይተን	42 ንቅጠት
9, ምልሸስ	41 ንቅጠት
10, ኒውካሰል	40 ንቅጠት

ሰፕሪን - ሰቡረት ላሊጋ

1, ሪያል ማድሪድ	69 ንቅጠት
2, ጂርና	62 ንቅጠት
3, በርሲሎና	61 ንቅጠት
4, አትሌቲኮ ማድሪድ	55 ንቅጠት
5, ናዲ አትሌቲኮ	53 ንቅጠት

ኢግልየ - ሰቡረት ሴሪ አ

1, ኢንተር ሚላን	75 ንቅጠት
2, ሚላን	59 ንቅጠት
3, ጃቮንቲስ	58 ንቅጠት
4, ቦሎጻ	51 ንቅጠት
5, ሮማ	48 ንቅጠት



ጃፓን ክስሐ ፈዳኢ እግል አንቀሳቅሶ ምን ዕጩይ ሳተላይት ሸቂት

ጃፓንዮን ባሕሲን ክስሐ ፈዳኢ እግል አንቀሳቅሶ ምን ዕጩይ ሳተላይት ክም ሸቂት ሐበረው። እሱ 'ሊግኖላት' ለትብል ሰሜት ህይብተ ለህሌት እት መንገልዩ ምን ለልትረከብ ዕጩይ ሸቂት ለህሌት ሳተላይት። እት ናይ እድንዮ መራክዝ ፈዳኢ እብ ለጉብኣት እሱ ጀርባ ብቅዕት እንዲ ጉብኣት ሰበት ትረከብት ለትመጽእ ከረም ህዩ አስክ ፈዳኢ እግል ትትለኣክ በርናምጅ ክም ህለ ትሸረሐ። እሱ እብ ባሕሲን ጃምዐት ክዮቶ ሸቂት ለህሌት ሳተላይት ክም ሕርያን

ናይሉ እትሊ ወክድ ጎን ምን ሐጺን ልትሸቂ ለህለ ሳተላይት እንዲ ጉብኣት እግል ትሸቂ ሰእየት ክም ህሌት ለሰብ መቅደረት ለሐብር። ለምን ሐጺን ልትሸቂ ለህለ ሳተላይት ሸቂት እንዲ እትካረመ ዲብ አርድ እት ለልትከሬ እቲ ወክድ ነድድ ወአሉምን ለትትባህል ማደት ሰበት ሰብብ። እሱ ህዩ እግል መደት ረያም እት ሀዋእ ክም ጸኔሕ ልትሐበር ጸኔሕ ተ። እሱ አሉምን ህዩ አርቀቀት ናይ ጠበቀት ኣዞን እንዲ ሰበብ። ቅያሰ ናይሉ አስክ አርድ ለትትከሬ በርህት ጸሓይ

ክም ለአደቅቡ ተሐበረ።

እሱ እግል ሰልፍ ኢነት እት መርከዝ ድራሳት ጀርባ ለጉብኣት እሱ ሳተላይት ዕጩይ። እብ ዲብ ሀዋእ ለትወድየ ሐረከት ለጉብኣት ትግበእ ምድረት ክም ኢአመጽኣት እኩድ ህለ። እት ፈዳኢ ነዲድ ለሰብብ ኣክሰጅን ወመሸመሸት ለልአመጽኢ ባልዲን ሰበት ኢህለ እሱ ምን ዕጩይ ለትሸቂት ሳተላይት አስክ ፈዳኢ ልእከት መደረት ክም አለቡ እንዲ ኣትለው ወደሐው።


እሱ ሳተላይት እት መሰለሐት እንዲ ኢትውዕል። በቃዐተ እግል አከዶት እት ናይ እድንዮ መራክዝ ፈዳኢ ጀርባ እግል ትግበእ እግል ወእብ ክሉጀዋንብ ብቅዕት እንዲ ጉብኣት ጸንሐት ምንጉብእ ህዩ። ዕጩይ ዲብ ሸቂት ሳተላይት ምሮ ምን ኣግደ ማዳት እንዲ ጉብኣ እግል ልክደም ክምቲ ባሕሲን ለኣትአምር።

እት መጽእ ሰኖታት ቅሩብ እት ክል ሰነት ሐድ 2 ኣልፍ ሳተላይት



አስክ ፈዳኢ እግል አትባገሶት ክም በርናምጅ ጸብብ ህለ። እብ ዕጩይ ለትሸቂ ሳተላይት ህዩ ሸቂት ክም አትመመ እት አርድ እት ለወድቅ እቲ ወክድ። ጨበል

ባርህ ሌጠ ሰበት ለሐድግ ቅያሰ ናይሉ አርቀቀ ጠበገት ኣዞን እግል ለአምጽኢ ለቀድር ኣሉምን (ነቲጀት ሐጺን)እግል ልንቀሰ ክም ቀድር ለሐብር።



እት ግብለት ኮርያ ስጋ ወሽብሕ ኣሐ ለቡ ሩዝ ትሸቂ

እት ጃምዐት ዮንሳይ - ግብለት ኮርያ ለመርከዞም ምኡምረት ውጃድ ነብረ እግል አድመኖት ሰገ ወሽብሕ ኣሐ ለቡ ሩዝ ክም ኣብቀለው ሐበረው።

እሉም ምኡምረት እት ዕጩት ሩዝ ናይ ኣሐ ሸቂት እንዲ ኣተው እት ዓሰ እብ ለልትረከብ መለግሊጋይ እንዲ ገልበበው ዲብ መርከዝ ብሐሰ ክም ኣብቀለው

ወፕሮቲን፣ ሸብሕ፣ ሺታሚናት ወመዓድን ተ። እሱ ኣዘ እት መርከዝ ብሐሰ እግል ልፍሬ ቃድር ለህለ ሩዝ ህዩ። ለጉብኣ አትቃምም ክም ኢለኣትሐዝዩ ታምም እግል መነት እንዲ ጉብኣ ሸቂቱ ክም ህለ ሸርሐው። እሱ እብ ናይ ጠቢዒ ለፈሬ ሩዝ እብ 8% ለዘይድ ፕሮቲን እብ 7% ለበዝሕ ሸብሕ ለመልክ ጅንሰ ሩዝ ነቲጀት ሰገ ሌጠ ክም ጠምጥም

ዕጹፍ እግል ለአንቅሱ ክም ቀድር ለመዳልየቲ ሸርሐ። እብ መቃረነት ዐውልመ እሱ ሩዝ እሱ ምን ሰገ ኣሐ እብ 6 ዕጹፍ ለረክሳቲ። እሱ እብ ለህለ እሱ ረክሰት ወውጃድ ዲብ ሰፍረ ለትትርኤ እቲ ባኻት እዲን ወእግል ፈደኢ ለገይሶ ክም ዒማት ነብረ እግል ልክደም ብቅዕ ክምቲ ወድሐ።


ጠለብ ናይሉ እግል ነብረ እንዲ ትባህለት ለትትሐረድ ኣሐ ለልኣነቅሰ ኖዕ ሩዝ። እት መስተቅበል ዝያድ ለዘት ወጠምጠም እግል ለህሌ እሱ ምን ዓሰ ወብዕድ ኣንውየት እግል ልዳሌ ክም በርናምጅ ሕሱብ ክም ህለ ሸርሐው።



ሐበረው። እግል ክልኤ ሳምን ሐቆለ ወደወ መታበዕት ህዩ። ለበቅለ ሩዝ ዝያድ መዓድን ጠምጠም ለቡ ክም ጉብኣ ሸርሐው። ለእት መርከዝ ብሐሰ ለፈረ ሩዝ እት መንፈዐት ነብረ እት ለልውዕል እቲ ወክድ ናይ ሰገ ጠምጠም ለቡ ክምቲ ሐበረው። ሩዝ ዒማት ኮርያን ሃይድረይት

ሐበረው። እት ደማነት ነብረ ህዩ ኣነን ዐባይ ክም ተህሌ እሱ ወድሐ። እት መንፈዐት ነብረ ለትውዕል ኣሐ እግል ኣፍረዮት ብዘሕ ቅያሰ ካርቦን-ዳይኦክሳይ ተ ለፈሬ። እሱ ሩዝ እሱ እብ ኣፍረዮት ህዩ እግል ምን ሸቂት እግል ሕርዶ ለትጉብኣ ኣሐ ፈግር ለዐለ ካርቦን እብ 8

10 ፍንቲት ስወር ሕዘው



ሳድስ ወራር ኹብ ካርቱን

